

Ի. Ի. ՊՐԻՎԱԼՈՎ

ԱՆԱԼԻՏԻԿ
ԵՐԿՐԱԶԱՓՈՒԹՅՈՒՆ


Թույլատրված է ՌՍՖՍՀ բարձրագույն և միջնակարգ
մասնագիտական կրթության մինիստրության կողմից որպես
դասագիրք բարձրագույն տեխնիկական ուսումնական
հաստատություններին համար

Վերահրատարակություն

Թարգմանված է ռուսերեն 27-րդ հրատարակությունից, համեմատված է 29-րդ հրատարակության հետ և կատարված են համապատասխան փոփոխություններ:

Թարգմանիչ՝ Վ. Վ. ՍԱՂԱԹԵԼՅԱՆ

50729



~~Е40238335~~

Е40238335

ИВАН ИВАНОВИЧ ПРИВАЛОВ

2—2—3

АНАЛИТИЧЕСКАЯ ГЕОМЕТРИЯ

(На армянском языке, перевод с русского)

Издательство Ереванского университета

Е Р Е В А Н—1970

ՀԵՂԻՆԱԿԻ ԱՌԱՋԱԲԱՆՐ

ՏԱՄՆԵՐԵՔԵՐՈՐԳ ՀՐԱՏԱՐԱԿՈՒԹՅԱՆ ԱՌԹԻՎ

Իմ «Անալիտիկ երկրաչափություն» գրքի ներկա հրատարակության մեջ վերամշակման է ենթարկված նախորդ հրատարակության նյութը: Այդ մեթոդական աշխատանքը կատարելով, ես ձգտել եմ վերացնել դասընթացի մի քանի հարցերը սովորողների կողմից ըմբռնելու դժվարությունները, որոնք դասավանդման ընթացքում հկատել են բուհերի մի շարք դասախոսներ: Խորին շնորհակալությունս եմ հայտնում բոլոր նրանց, ովքեր ուղարկել են իրենց դիտողությունները: Առանձնապես արժեքավոր ցուցումներ եմ ստացել դոցենտ Վ. Պ. Մինորսկուց, որին սրտագին շնորհակալություն եմ հայտնում:

Ի. ՊՐԻՎԱԼՈՎ

ՀՐԱՏԱՐԱԿԶՈՒԹՅԱՆ ԿՈՂՄԻՑ

Սույն գրքի 18-րդ հրատարակությունը խմբագրելիս հաշվի են առնվել այն դիտողությունները, որոնք արվել են Մոսկվայի մաթեմատիկական ընկերությունից բարձրագույն տեխնիկական ուսումնական հաստատությունների սեկցիայում նախորդ հրատարակությունները քննարկելիս: Վերամշակման շնորհիվ գիրքն ընդունեց այն տեսքը, որը պահպանվել է մինչև սույն հրատարակությունը:

27-րդ հրատարակության ժամանակ որոշ կրճատումներ են կատարվել: Այն կապակցությամբ, որ երկրորդ կարգի կորերի ընդհանուր տեսություն բարձրագույն տեխնիկական ուսումնական հաստատությունների ծրագրերի մեջ չի մտնում՝ լրիվ հանված է առաջին մասի VII գլուխը, ինչպես նաև V գլխի § 5-ը և § 7-ը: Երկրորդ կարգի կորերի ձևափոխության տարրական հարցերը, որոնք առաջ մտնում էին VII գլխի, §§ 1-4 մեջ, այժմ կազմում են V գլխի § 6-ը և § 7-ը, այդ նույն գլխի § 6-ն այժմ դարձել է § 5: Նախկին VII գլխի № 9 ինդիքը տեղափոխված է V գլխի խնդիրների մեջ և այժմ այնտեղ ունի 19-րդ համարը:

Բարձրագույն տեխնիկական ուսումնական հաստատությունների ծրագրերի մեջ չմտնող ամբողջ նյութը շարված է մանրատառով: Մանրատառով են շարված նաև ուղիղի և հարթության հավասարումների այն արտածումները (երկրորդ մասի IV-V գլուխներում), որոնց ժամանակ վեկտորական հանրահաշիվը չի օգտագործված:

Գիրքը ինչպես 18-րդ, այնպես էլ 27-րդ հրատարակության նախապատրաստելու ամբողջ աշխատանքը կատարել են Ե. Ե. Բրեններ, Ն. Ա. Օլիսովը և Ն. Յա. Միսոևան: 18-րդ հրատարակության համար կատարված աշխատանքին հսկել է Պ. Կ. Ռաշևսկին, 27-րդ հրատարակությունը նախապատրաստելու աշխատանքին մասնակցել է նաև Ի. Գ. Արամանովիչը:

Ն Ե Ր Ա Ծ Ո Ւ Թ Յ Ո Ւ Ն

Անալիտիկ երկրաչափության առարկան՝ երկրաչափական ձև-վերի հետազոտումն է հանրահաշվական անալիզի օգնությամբ: Տար-րական մաթեմատիկայի զանազան բաժիններում հանրահաշվը կիրառվում է երկրաչափական շատ խնդիրներ լուծելիս: Այսպես, օրինակ, երկրաչափության մեջ կարիք է լինում թվերի օգնու-թյամբ որոշել հատվածների և աղեղների երկարությունները, ո-րոշ պատկերների մակերեսները, մարմինների ծավալները, եռան-կյունաչափության մեջ թվային առնչություններից օգտվում են հատվածների հարաբերությունների և անկյունների միջև կախում-ներ ստանալու համար: Սակայն, եթե մաթեմատիկայի այդ բա-ժիններում հանրահաշվի օգնությամբ լուծվում է երկրաչափա-կան ձևերի չափերի հարցը, անալիտիկ երկրաչափության մեջ թվերի օգնությամբ բնորոշվում է նրանց ամենաէական առանձ-նահատկությունը՝ նրանց դիրքը:

Երկրաչափական ձևի դիրքը որոշող թվերը կոչվում են նրա կոորդինատներ: Իսկ այն եղանակը, որի օգնությամբ որոշվում է երկրաչափական ձևի դիրքը, կոորդինատների եղանակ կամ կոոր-դինատների մեթոդ անունն է կրում: Երկրաչափական ձևերը շատ բազմազան են և, անալիտիկ երկրաչափությունը կառուցելիս բնականաբար, մենք պետք է այդ ձևերից որևէ մեկն ընդունենք որպես սկզբնային և նրա օգնությամբ կազմենք մյուս բոլոր ձե-վերը: Ամենից պարզը կլինի որպես այդպիսի սկզբնային ձև ըն-դունել երկրաչափական կետը: Այդ դեպքում երկրաչափական ա-մեն մի այլ ձև, օրինակ՝ գիծը կամ մակերևույթը, կարելի է դիտարկել որպես կետերի երկրաչափական տեղ:

Որպես սկզբնային էլեմենտ ընդունելով կետը, մենք ամե-նից առաջ պետք է ցույց տանք, թե տարածության մեջ կետի դիրքն ինչպես է որոշվում թվերի օգնությամբ: Կոորդինատների

մեթոդի այս առաջին գաղափարն է, որ դրվել է երկրաչափական գանազան խնդիրների լուծման հիմքում: Այդ մեթոդի երկրորդ գաղափարն է՝ ցույց տալ, թե գծի երկրաչափական հատկություններն ինչպես են անդրադառնում այդ գծին պատկանող կետերի կոորդինատների վրա: Կոորդինատների մեթոդի բեղմնավոր գաղափարները կիրառություն են գտել մաթեմատիկայի ու մեխանիկայի շատ բնագավառներում, դիֆերենցիալ և ինտեգրալ հաշվի զարգացման շնորհիվ նրանք դարձել են մաթեմատիկական հետազոտության հզորագույն զենք:

Անալիտիկ երկրաչափության շարադրմանն անցնելով, մենք, հարմարության համար, ամբողջ դասընթացը երկու մասի ենք բաժանում: Առաջին մասում կգրադվենք երկրաչափական հարթ ձևերի հետազոտությունը՝ հանրահաշվական միջոցներով, որոնք հիմնված են կոորդինատների կիրառման վրա: Երկրորդ մասում մենք նույնը կկատարենք երկրաչափական տարածական ձևերի նկատմամբ:

Դասընթացի մեջ օժանդակ դեր ունի 2-րդ և 3-րդ կարգի դետերմինանտների տեսությունը նվիրված գլուխը: Այդ գլուխը, ինչպես և նրա հետագա կիրառումները, կարելի է բաց թողնել:

Երկրաչափական առավելագույն դիտողականության նպատակով հարթության և ուղիղի (տարածության մեջ) հիմնական հավասարումները տրված են վեկտորական տեսքով: Այդ կապակցությունում էլ մտցված է հասուկ գլուխ, որտեղ շարադրված են անհրաժեշտ տեղեկություններ վեկտորական հանրահաշվից: Սակայն, հաշվի առնելով այն բտուհների կարիքները, որտեղ անալիտիկ երկրաչափությունն ուսումնասիրելիս վեկտորական հանրահաշիվ չեն անցնում, հարթության և ուղիղի տեսության վեկտորական շարադրմանը զուգընթաց մենք տալիս ենք նաև նրա կոորդինատային շարադրանքը:

ԱՆԱԼԻՏԻԿ ԵՐԿՐԱԶԱՓՈՒԹՅՈՒՆԸ ՀԱՐԹՈՒԹՅԱՆ ՎՐԱ

Գ Լ ՈՒ Խ Ի

ԿՈՈՐԴԻՆԱՏՆԵՐԻ ՄԵԹՈԴԸ

§ 1. Ուղղությամբ օժտված հասվածներ: Հատվածի և նրա երկարությունների գաղափարները հայտնի են սարքական երկրաչափությունից: Հատվածը ուղիղի՝ երկու կետերով սահմանափակված մասն է: Հատվածի երկարությունը մի թիվ է, որն աստացիվում է այդ հատվածը չափելով նախապես ընտրված մի որոշ հատվածի՝ մասշտաբի միավորի օգնությամբ: A և B կետերով սահմանափակված հատվածը, ինչպես և նրա երկարությունը նշանակում են AB կամ BA:


Մասնատրիկայի ու ֆիզիկայի շատ հարցերում նշանակություն ունի հատվածի ուղղությունը, օրինակ՝ երբ հատվածը դիտվում է որպես շարժվող կետի անցած ճանապարհ:

Հատվածի ուղղությունը բնորոշելու համար, հատվածը սահմանափակող երկու կետերից մեկն ընդունում են որպես հատվածի սկիզբ, մյուսը՝ որպես ծայր, հատվածի ուղղությունն հաստատում են նրա սկզբից դեպի ծայրը գնացող ուղղությունը: Այն հատվածը, որի վրա նշված է ուղղությունը (այսինքն՝ ասված է, թե երկու ծայրակետերից որն է սկիզբ համարվում և որը՝ ծայր), կոչվում է ուղղությամբ օժտված հատված:

Պայմանավորվենք ուղղությամբ օժտված հատվածը նշանակել երկու տառով՝ նրանց գլխին գրված գծիկով, առաջ գրելով հատվածի սկիզբը նշանակող տառը: Այսպես, օրինակ, այն հատվածը, որի համար A կետը սկիզբ է, իսկ B կետը ծայր, կնշանակենք \overline{AB} : Նկատենք, որ ուղղությամբ օժտված \overline{AB} և \overline{BA} հատվածները նույնը չեն, քանի որ նրանք ունեն հակադիր ուղղություններ:

Եթե դիտարկենք մեկ ուղիղի վրա գտնվող ուղղությամբ օժտ-

ված հատվածները, ապա նրանց ուղղութիւնները կարելի է բնորոշել $+$ և $-$ նշաններով: Դրա համար այդ ուղիղի երկու հակադիր ուղղութիւններից մեկը (միւսընչէն է, թե որը) կանվանենք դրական ուղղութիւն, մյուսը՝ բացասական: Գծագրի վրա դրական ուղղութիւնը պայմանավորվենք նշել սլաքով (գծ. 1-ում ձախից



Գծ. 1

աջ ուղղութիւնն է դրական ընդունված): Այն ուղիղը, որի վրա ընտրված է դրական ուղղութիւն, կոչվում է առանցք:

Առանցքի վրա գտնվող ուղղութիւնամբ օժտված հատվածի երկարութիւնը՝ վերցրած որոշակի նշանով, կոչվում է առանցքի՝ ուղղութիւնամբ օժտված հատվածի մեծութիւն. այդ դեպքում նշանը դրական է դրվում, եթե հատվածի ուղղութիւնը համընկնում է առանցքի դրական ուղղութիւն հետ, և՛ բացասական, եթե հատվածի ուղղութիւնը հակադիր է առանցքի դրական ուղղութիւնը: Այսպէս, օրինակ՝ գծ. 1-ում պատկերված \overline{AC} հատվածի մեծութիւնը դրական է, իսկ \overline{CB} հատվածինը՝ բացասական: Այնուհետև ուղղութիւնամբ օժտված հատվածի երկարութիւնը հավասար է նրա մեծութիւն մոդուլին²: Պայմանավորվենք ուղղութիւնամբ օժտված \overline{AB} հատվածի երկարութիւնը նշանակել AB , իսկ մեծութիւնը՝ մեծ \overline{AB} :

Առանցքի՝ ուղղութիւնամբ օժտված հատվածի մեծութիւն սահմանումից հետևում է, որ \overline{AB} և \overline{BA} հատվածների մեծութիւնները միմյանցից տարբերվում են նշանով՝

$$\text{մեծ } \overline{AB} = - \text{մեծ } \overline{BA}:$$

Դիտողութիւն: Հետագայում հարկ է լինելու դիտարկել նաև ուղղութիւնամբ օժտված այնպիսի «հատված», որի սկիզբն ու վերջը համընկնում են: Այդպիսի հատվածի ուղղութիւնը կարելի

¹ «Առանցքի՝ ուղղութիւնամբ օժտված հատվածի մեծութիւն» տերմինը գործածելն իմաստ ունի միայն այն դեպքում, երբ դիտարկվում է առանցքի վրա գտնվող ուղղութիւնամբ օժտված հատված: Սակայն հետագայում, կարճուժյան համար ուղղութիւնամբ օժտված հատվածի մեծութիւն մասին խոսելիս «առանցք» բառը բաց ենք թողնելու: Ճիշտ այդպէս էլ, կարճուժյան համար, մենք հաճախ ասելու ենք « AB հատված», փոխանակ ասելու «ուղղութիւնամբ օժտված AB հատված»:

² Թվի բացարձակ մեծութիւնն անվանում են նաև մոդուլ. a թվի մոդուլը նշանակելու ենք $|a|$:

է ցանկացած ձևով ընտրել: Նրա երկարությունը, հետևաբար նաև մեծությունը հավասար է զրոյի: Այդպիսի հատվածները կանվանենք զրոյական հատվածներ կամ զրո հատվածներ:


Մի որոշ առանցքի վրա վերցնենք երեք կետ՝ A, B, C և պարզենք, թե ինչի հավասար կլինի \overline{AB} և \overline{BC} հատվածների մեծությունների գումարը: Մենք հիմա ցույց կտանք, որ առանցքի վրա A, B և C կետերի ցանկացած դասավորության դեպքում \overline{AB} և \overline{BC} հատվածների մեծությունների գումարը հավասար է \overline{AC} հատվածի մեծությանը՝

$$\text{մեծ } \overline{AB} + \text{մեծ } \overline{BC} = \text{մեծ } \overline{AC}, \quad (1)$$

այսինքն՝ եթե \overline{AB} և \overline{BC} հատվածներն առանցքի վրա այնպես են դասավորված, որ նրանցից առաջինի ծայրը երկրորդի համար սկիզբ է հանդիսանում, ապա նրանց մեծությունների գումարը հավասար է այն \overline{AC} հատվածի մեծությանը, որի սկիզբն առաջին հատվածի սկիզբն է, ծայրը՝ երկրորդ հատվածի ծայրը:

(1) հավասարությունն ապացուցելու համար նախ ենթադրենք, թե B կետը գտնվում է A և C կետերի միջև (գծ. 2):

Հատվածը դիտարկելով որպես շարժվող կետի անցած ճանապարհ, կարող ենք ասել, որ այս դեպքում շարժվող կետը, անցնելով \overline{AB} ճանապարհը, շարժումը շարունակում է \overline{BC} ճանապարհով՝ նույն ուղղությամբ: Այդ ժամանակ \overline{AC} հատվածի երկարությունն ակներևորեն, հավասար կլինի \overline{AB} և \overline{BC} հատվածների երկարությունների գումարին, իսկ բոլոր երեք հատվածների մեծությունները կունենան նույն նշանը, քանի որ երեք հատվածներն էլ ուղղված են դեպի միևնույն կողմը: Հետևաբար՝



Գծ. 2

$$\text{մեծ } \overline{AB} + \text{մեծ } \overline{BC} = \text{մեծ } \overline{AC}:$$


Այսպիսով, եթե B կետը գտնվում է \overline{AC} հատվածի վրա, ապա (1) հավասարությունն իրավացի է:

Այժմ ենթադրենք, թե B կետը գտնվում է \overline{AC} հատվածից դուրս՝ կամ հատվածի շարունակության վրա C կետից այն կողմը (գծ. 3), կամ էլ նրա շարունակության վրա A կետից այն կողմը (գծ. 4): Երկու դեպքում էլ շարժվող կետը, \overline{AB} ճանապարհն անցնելով, շարժումը շարունակում է \overline{BC} ճանապարհով՝ հակադիր ուղղությամբ: Պարզ է, որ այժմ \overline{AC} հատվածի երկարությունը

հաստատու կլինի \overline{AB} և \overline{BC} հատվածների երկարությունների տարբերությունը [կամ՝ $AC = AB - BC$ (գծ. 3), կամ՝ $AC = BC - AC$ (գծ. 4)]:



Գծ. 3



Գծ. 4

Այնպես է, որ \overline{AC} հատվածի ուղղությունը կհամընկնի \overline{AB} և \overline{BC} հատվածներից այն հատվածի ուղղության հետ, որն ավելի մեծ երկարություն ունի (գծ. 3-ում՝ \overline{AB} հատվածի ուղղության հետ, գծ. 4-ում՝ \overline{BC} հատվածի ուղղության հետ): Այդ պատճառով, \overline{AC} հատվածի մեծությունը կունենա այն նշանը, ինչ՝ որ երկար հատվածի մեծությունը:

Հետևաբար, \overline{AC} հատվածի մեծությունը կարելի է գտնել մեծ \overline{AB} և մեծ \overline{BC} հարաբերական թվերի գումարման կանոնով:

Այսպիսով, \overline{AC} հատվածից դուրս B կետի ցանկացած դասավորության դեպքում ևս կունենանք՝

$$\text{մեծ } \overline{AB} + \text{մեծ } \overline{BC} = \text{մեծ } \overline{AC}:$$

Մտում է նկատել, որ (1) հավասարությունը ճիշտ կլինի նաև այն դեպքում, երբ երեք կետերից որևէ երկուսը համընկնեն: Ընթերցողին ինքը հեշտությամբ կարող է ստուգել այդ: Օրինակ, եթե համընկնեն A և C կետերը, ապա կունենանք՝

$$\text{մեծ } \overline{AB} + \text{մեծ } \overline{BC} = \text{մեծ } \overline{AB} + \text{մեծ } \overline{BA} = 0,$$

բայց նաև՝ մեծ $\overline{AC} = 0$: Հետևաբար, (1) հավասարությունը ճիշտ կլինի:

Ծիտ ուղ ու թ յ ու ն: Եթե (1) հավասարության մեջ գրված լինեին հատվածների ոչ թե մեծությունները, այլ երկարությունները, ապա այն ճիշտ կլիներ միայն այն դեպքում, երբ B կետը գտնվեր \overline{AC} հատվածի վրա, և իր ուժը կկորցներ B կետի ամեն մի այլ դասավորության դեպքում:

Օգտվելով (1) հավասարությունից, հեշտ է ցույց տալ, որ ստանցքի վրա ցանկացած թվով և ցանկացած դասավորությամբ վերցրած՝ A, B₁, B₂ . . . , B_n, C կետերի համար կունենանք՝

$$\text{մեծ } \overline{AB_1} + \text{մեծ } \overline{B_1B_2} + \dots + \text{մեծ } \overline{B_nC} = \text{մեծ } \overline{AC}, \quad (1')$$

այսինքն՝ եթե սուանցքի վրա յարաքանչյուր հաջորդ հատվածի սկիզբը համընկնում է նախորդի ծայրի հետ, ապա նրանց մեծությունների գումարը հավասար է այն հատվածի մեծությանը, որի սկիզբը համընկնում է առաջին հատվածի սկզբի հետ, ծայրը՝ վերջին հատվածի ծայրի հետ:

§ 2. Կոորդինատներն ուղիղ գծի վրա: Տեսնենք, թե կետի դիրքն ինչպե՞ս կարելի է որոշել ուղիղ գծի վրա:


Այդ ուղիղի վրա վերցնենք մի O կամայական կետ (չափաներեն $origo$ —սկիզբ բառից), որի նկատմամբ պետք է որոշենք ուղիղի բոլոր կետերի դիրքը: Պարզ է, որ ուղիղ գծի յուրաքանչյուր P կետի դիրքը լիովին կորոշվի \overline{OP} ուղղությամբ օժտված հատվածով, ուղիղի յուրաքանչյուր կետին համապատասխանում է ուղղությամբ օժտված մի որոշակի հատված, որի սկիզբն O կետումն է, ծայրը՝ տված P կետում և, հակադարձաբար, ուղղությամբ օժտված յուրաքանչյուր հատվածին, որի սկիզբը համընկնում է O կետի հետ, համապատասխանում է մեկ որոշակի P կետ՝ այդ հատվածի ծայրը:

Այժմ ուղիղի վրա ընտրենք դրական ուղղություն և մասշտաբի m միավոր (զժ. 5-ում դրական ուղղությունն ընտրված է ձախից դեպի աջ): Այդ դեպքում, ուղիղ գծի յուրաքանչյուր P կետի դիրքը կորոշվի մի թվով՝ \overline{OP} հատվածի մեծությամբ: Կետի դիրքը որոշող այդ թիվը կոչվում է այդ կետի կոորդինատ: Այսպիսով, \overline{OP} ուղղությամբ օժտված հատվածի մեծությունը՝ ուղիղ գծի P կետի կոորդինատն է: P կետի կոորդինատը նշանակելով x տառով, կունենանք՝

$$x = \text{մեծ } \overline{OP}:$$

Փիտենալով P կետը, հեշտ է գտնել նրա կոորդինատը, այն հավասար է \overline{OP} ուղղությամբ օժտված հատվածի մեծությանը: Հակադարձաբար, տված x կոորդինատով կարելի է կառուցել միակ կետ՝ այն կլինի x մեծությունն ունեցող \overline{OP} ուղղությամբ օժտված հատվածի P ծայրը:

Եթե ուղիղ գծի վրա նշված է մի որոշ O կետ, ցույց է տրված դրական ուղղությունը և, բացի այդ, ընտրված է մասշտաբի միավոր, այդ դեպքում մենք կտեսնենք, որ ուղիղի վրա սահմանված է կոորդինատների սխառնմ: O կետը, որը դիտարկվող հատվածի



Գժ. 5

վածներին սկիզբն է, կոչվում է կոորդինատների սկիզբ կամ կոորդինատների սկզբնակետ, իսկ տված ուղիղը՝ կոորդինատների առանցք կամ կոորդինատային առանցք: Ակներևորեն, դրական կիսառանցքի կետերն ունեն դրական կոորդինատներ (զժ. 5-ում՝ O -ից դեպի աջ գտնվող կետերը), բացասական կիսառանցքի կետերը՝ բացասական կոորդինատներ, իսկ O սկզբնակետի կոորդինատը հավասար է զրոյի:

Պայմանավորվենք կետի կոորդինատը գրել այդ կետը նշանակող տառի աջ կողմում, փակագծերի մեջ՝ $P(x)$:

§ 3. Երկու կետերի հեռավորությունն ուղիղ գծի վրա: Դիցուք կոորդինատների մի ուրոշ սիստեմում տրված են երկու կետեր՝ $A(x_1)$ և $B(x_2)$: Տեսնենք, թե այդ երկու կետերի AB հեռավորությունն ինչպե՞ս կարտահայտվի նրանց կոորդինատների միջոցով:

(1) հավասարություն համաձայն, կարող ենք գրել՝

$$մեծ\overline{OA} + մեծ\overline{AB} = մեծ\overline{OB},$$

որտեղից՝

$$մեծ\overline{AB} = մեծ\overline{OB} - մեծ\overline{OA}:$$

Քանի որ $մեծ\overline{OA} = x_1$ և $մեծ\overline{OB} = x_2$, ուստի՝

$$մեծ\overline{AB} = x_2 - x_1:$$

Այսպիսով, առանցքի ուղղությամբ օժաված հատվածի մեծությունն ստանալու համար, պետք է նրա ծայրի կոորդինատից հանել սկզբի կոորդինատը:

A և B կետերի հեռավորությունը հավասար է \overline{AB} հատվածի երկարությանը: Հետևաբար՝

$$AB = |x_2 - x_1|,$$


այսինքն՝ երկու կետերի հեռավորությունը հավասար է այդ կետերի կոորդինատների տարբերության բացարձակ մեծությանը:

Օրինակ, եթե տված են $A(5)$ և $B(-3)$ կետերը, ապա $մեծ\overline{AB} = -3 - 5 = -8$, իսկ նրանց հեռավորությունը՝ $AB = 8$:

§ 4. Ուղղանկյուն կոորդինատները հարթության վրա: Այժմ առհմանենք հարթության վրա կոորդինատների մեթոդի գաղափարը, այսինքն՝ ցույց տանք այն եղանակը, որը հնարավորություն է տալիս թվերի օգնությամբ որոշելու հարթության կետերի դիրքը:

Վերցնենք երկու փոխադարձաբար ուղղահայաց ուղիղներ և

յարաքանչյուրի վրա ընտրենք դրական ուղղություն: Այդ ուղիղները, որոնց նկատմամբ պետք է որոշենք հարթության կետերի դիրքը, կոչվում են կոորդինատների (կամ կոորդինատային) առանցքներ: Կոորդինատների առանցքները սովորաբար դասավորվում են այնպես, ինչպես ցույց է արված գծ. 6-ում. մեկը՝ հորիզոնական, որի վրա դրական ուղղությունն ընտրում ենք ձախից դեպի աջ, մյուսը՝ ուղղաձիգ, որի վրա դրական ուղղությունը ընտրում ենք ներքևից վերև: Դրանցից մեկը (սովորաբար հորիզոնականը) անվանում են արսցիսների առանցք (Ox առանցք), մյուսը՝ օրդինատների առանցք (Oy առանցք): Կոորդինատային առանցքների հատման կետը կոչվում է կոորդինատների սկզբնակետը նշանակված է O տառով): Վերջապես, ընտրենք մասշտաբի միավոր (մենք միշտ ենթադրելու ենք, որ կոորդինատային երկու առանցքների վրա էլ մասշտաբի միևնույն միավորն է ընտրված):



Գծ. 6

Այժմ հարթության ցանկացած կետի դիրքը կարելի է որոշել թվերով՝ այդ կետի կոորդինատներով: Իրոք, հարթության յուրաքանչյուր M կետին կոորդինատային առանցքների վրա համապատասխանում են երկու կետեր՝ P և Q , որոնք նրա պրոյեկցիաներն¹ են այդ առանցքների վրա (գծ. 6) և, հակադարձաբար, գիտենալով կոորդինատային առանցքների վրա P և Q կետերը, կարելի է հարթության վրա կառուցել M միակ կետը, որի համար P -ն և Q -ն պրոյեկցիաներ են այդ առանցքների վրա: Այսպիսով, հարթության M կետի դիրքը որոշելը հանգում է կոորդինատային առանցքների վրա P և Q պրոյեկցիաների դիրքերը որոշելուն:

Բայց մենք արդեն գիտենք, որ առանցքի վրա կետի դիրքը լիովին որոշվում է նրա կոորդինատով: Դիցուք x -ը P կետի կոորդինատն է արսցիսների առանցքի վրա ($x = \text{մեծ } \overline{OP}$), իսկ y -ը՝ Q կետի կոորդինատն օրդինատների առանցքի վրա ($y = \text{մեծ } \overline{OQ}$): x և y թվերը լիովին որոշում են M կետի դիրքը հարթության վրա և կոչվում են այդ կետի կոորդինատներ, x -ը՝ արսցիս, y -ը՝ օրդինատ:


¹ M կետի պրոյեկցիա առանցքի վրա կոչվում է M կետից այդ առանցքին իջեցրած ուղղահայացի հիմքը:

Այսպիսով, կետի արացիս կոչվում է Ox առանցքի այն հատվածի մեծությունը, որի սկիզբը կոորդինատների սկզբնակետն է, ծայրը՝ կետի պրոյեկցիան արացիսների առանցքի վրա. կետի օրդինատ կոչվում է Oy առանցքի այն հատվածի մեծությունը, որի սկիզբը կոորդինատների սկզբնակետն է, ծայրը՝ կետի պրոյեկցիան օրդինատների առանցքի վրա:

Ուրեմն հարթության ցանկացած կետի դիրքը լիովին որոշվում է x և y թվերի զույգով, որոնցից առաջինը կետի արացիսն է, երկրորդը՝ օրդինատը:

Կետի կոորդինատները պայմանավորվենք գրել կետը նշանակող տառի աջ կողմը՝ փակագծերի մեջ, առաջ գրելով արացիսը, ապա՝ օրդինատը, անշատելով իրարից ստորակետով՝ $M(x,y)$: Կոորդինատային առանցքների՝ գծ. 6-ում ցույց արված դասավորությունը կհասնարթության բոլոր կետերի x արացիսները դրական կլինեն, դեպի ձախ գտնվող կհասնարթության կետերինը՝ բացասական: Oy առանցքի վրա գտնվող կետերի համար արացիսը հավասար է զրոյի: Ճիշտ այդպես էլ, արացիսների Ox առանցքից վերև գտնվող կետերի y օրդինատները դրական կլինեն, դեպի ներքև գտնվողներինը՝ բացասական: Ox առանցքի վրա գտնվող կետերի համար օրդինատը հավասար է զրոյի: Կոորդինատների սկզբնակետն առնի $(0,0)$ կոորդինատներ:

Կոորդինատային առանցքները հարթությունը արոհում են չորս մասի, որոնք կոչվում են քառորդներ կամ կվադրանտներ (երբեմն անվանում են նաև կոորդինատային անկյուններ): Հարթության այն մասը, որը գտնվում է Ox և Oy դրական կիսաառանցքերի միջև, կոչվում է առաջին քառորդ: Այնուհետև քառորդների համարակալումը կատարվում է ժամացույցի սլաքի հակառակ ուղղությամբ (գծ. 7): Առաջին քառորդի բոլոր կետերի համար $x > 0$, $y > 0$. II քառորդի կետերի համար $x < 0$, $y > 0$. III քառորդի կետերի համար $x < 0$, $y < 0$. IV քառորդի կետերի համար՝ $x > 0$, $y < 0$:



գծ. 7

Հարթության կետի դիրքը որոշելու համար այստեղ օգտագործված կոորդինատները կոչվում են ուղղանկյուն կոորդինատներ, քանի որ հարթության M կետն ստացվում է ուղիղ

անկյան աակ միմյանց հանդիպող PM և QM ուղիղների հաս-
մամբ (գծ. 6), ինչպես նաև՝ դեկարտյան կոորդինատներ—մա-
թեմատիկոս և փիլիսոփա Դեկարտի անունով, որը 1637 թվակա-
նին հրատարակել է անալիտիկ երկրաչափության վերաբերյալ ա-
ռաջին աշխատությունը:

Կոորդինատների դեկարտյան ուղղանկյուն սիստեմը կոորդի-
նատների միակ սիստեմը չէ, որ հնարավորություն է տալիս որո-
շելու հարթության կետերի դիրքերը (ան՝ս սույն գլխի § 11-ը),
սակայն նա պարզագույն սիստեմն է, և մենք հետագայում առա-
վելապես նրանից ենք օգտվելու:

Կոորդինատների նկարագրված մեթոդից բխում են հետևյալ
երկու հիմնական խնդիրների լուծումները.

Խնդիր I. Տրված M կետով գտնել նրա կոորդինատները:

Տված M կետից ուղղահայացներ ենք իջեցնում OX և OY
առանցքներին: Այդ ուղղահայացների հիմքերը՝ P և Q կետերը
կորոշեն որոնելի երկու կոորդինատները. M կետի առաջին կոոր-
դինատը, նրա x արսցիտը, հավասար է OX առանցքի վրա գրա-
նրվող \overline{OP} հատվածի մեծությանը: Իսկ M կետի երկրորդ կոորդի-
նատը, նրա y օրդինատը, հավասար է OY առանցքի վրա \overline{OQ}
հատվածի մեծությանը:

Խնդիր II. Փիտեմալով M կետի x և y կոորդինատները,
կառուցել այդ կետը:

OX առանցքի վրա O կետից սկսած վերցնենք $|x|$ միավոր
երկարություն ունեցող մի OP հատված, որի P ծայրը գտնվի O
կետից դեպի աջ, եթե $x > 0$, դեպի ձախ, եթե $x < 0$, և համընկնի
O կետի հետ, եթե $x = 0$: Այդ հատվածի P ծայրը կլինի որոնելի M
կետի պրոյեկցիան OX առանցքի վրա: OY առանցքի վրա O կետից
սկսած վերցնենք $|y|$ միավոր երկարություն ունեցող մի \overline{OQ} հատ-
ված, որի Q ծայրը գտնվի O կետից վերև՝ եթե $y > 0$, ներքև՝
եթե $y < 0$ և համընկնի O կետի հետ՝ եթե $y = 0$: Այդ հատվածի
Q ծայրը կլինի M կետի պրոյեկցիան OY առանցքի վրա: Իմանալով
P և Q կետերը, նրանցով, որպես պրոյեկցիաներով, հեշտ է կա-
ռուցել որոնելի M կետը: Դրա համար բավական է P և Q
կետերից առանցքներին դուգահեռ ուղիղներ տանել. նրանց հատման
կետը կլինի M-ը:

Դիտողություն: Եթե մենք պայմանավորվենք \overline{PM} և \overline{QM}
ուղղությունք օժտված հատվածները (գծ. 6) դիտարկել որպես
այնպիսի առանցքների հատվածներ, որոնք ունեն իրենց զուգա-

հեռ կոորդինատային առանցքների ուղղութիւնները, ապա M կետի արեւելքը կարտահայտվի ոչ միայն \overline{OP} հատվածի մեծութեամբ, այլև նրան հաջորդաբար \overline{QM} հատվածի մեծութեամբ: Նույն կետի օրդինատը միատեսակ կարտահայտվի ինչպես \overline{OQ} հատվածի մեծութեամբ, այնպես էլ նրան հաջորդաբար \overline{PM} հատվածի մեծութեամբ \overline{OP} , \overline{QM} , \overline{OQ} և \overline{PM} ուղղութեամբ օժտված հատվածները կանգնենք M կետի կոորդինատային հատվածներ: Այդ դեպքում դիտարկված երկու հիմնական խնդիրները լուծելիս, անհրաժեշտութիւն չկա որոշել M կետի երկու պրոյեկցիաներն էլ, բավական է որոշել միայն մեկը, օրինակ՝ պրոյեկցիան արեւելքի առանցքի վրա: Այսպես, I խնդրում M կետից ուղղահայաց ենք իջեցնում արեւելքի առանցքին: Դրա P հիմքը կլինի M -ի պրոյեկցիան այդ առանցքի վրա: \overline{OP} հատվածի մեծութիւնը կառ տրված կետի x արեւելքը, իսկ \overline{PM} հատվածի մեծութիւնը՝ y օրդինատը:

Օրինակ: Կատուցել այն կետը, որի կոորդինատներն են՝ $x=2$, $y=-3$: Օ կետից սկսած դեպի աջ արեւելքի առանցքի վրա վերցնենք 2 միավոր երկարութեամբ հատված. այդ հատվածի P ծայրակետով տանենք Oy առանցքին զուգահեռ ուղիղ և նրա վրա P կետից սկսած դեպի ներքև վերցնենք 3 միավոր երկարութեամբ հատված: Այդ հատվածի ծայրակետը հենց կլինի որոնելի M կետը:

Այսպիսով, կոորդինատների մեր ընտրած սխառնում հարթութեան յուրաքանչյուր կետին համապատասխանում է x և y կոորդինատների լիովին որոշակի մի կարգավորված զույգ և, հակադարձաբար, x և y թվերի յուրաքանչյուր կարգավորված զույգ հարթութեան վրա որոշում է միակի կետ, որի արեւելքը հաջորդաբար է x -ին, օրդինատը՝ y -ին: Ուստի, երբ տրված է կետը, այդ նշանակում է տրված են նրա կոորդինատները, գտնել մի կետ, նշանակում է գտնել նրա կոորդինատները:

§ 5. Երկու կետերի հեռավորութիւնը հարթութեան վրա: Այս գլխի 5, 6 և 10-րդ §-ներում մենք կդիտարկենք անալիտիկ երկրաչափութեան մի քանի պարզագույն խնդիրներ, որոնց հաճախ հանգեցվում են ավելի բարդ շատ խնդիրներ: Այդպիսի պարզագույն խնդիրներից մեկը երկու կետերի հեռավորութեան վերաբերյալ խնդիրն է:


Դիցաք հարթութեան վրա ընտրված կոորդինատային սխա-

աեմում¹ տված են երկու կետեր՝ $A(x_1, y_1)$ և $B(x_2, y_2)$: Այդ երկու կետերի միջև ընկած d հեռավորությունն արտահայտենք նրանց կոորդինատներով:

Գտնենք A և B կետերի պրոյեկցիաները կոորդինատային առանցքների վրա (պժ. 8): Կունենանք՝

$$\text{մեծ } \overline{OP_1} = x_1, \quad \text{մեծ } \overline{OQ_1} = y_1,$$

$$\text{մեծ } \overline{OP_2} = x_2, \quad \text{մեծ } \overline{OQ_2} = y_2:$$



Տրված կետերից մեկից, օրինակ՝ A -ից, առնենք արտցիսների առանցքին զուգահեռ ուղիղ մինչև P_2B ուղիղի հետ հասկելը C կետում: ACB ուղղանկյուն եռանկյունից կստանանք՝

$$d^2 = AC^2 + CB^2$$

(ալյսանդ AC -ն ու BC -ն՝ ACB եռանկյան կողմերի երկարություններն են): Բայց քանի որ (պլ. I, § 3)՝

$$AC = P_1P_2 = |x_2 - x_1|$$

և

$$CB = Q_1Q_2 = |y_2 - y_1|,$$

ուստի՝

$$d^2 = |x_2 - x_1|^2 + |y_2 - y_1|^2,$$

կամ՝

$$d^2 = (x_2 - x_1)^2 + (y_2 - y_1)^2,$$

որտեղից՝


$$d = \sqrt{(x_2 - x_1)^2 + (y_2 - y_1)^2} \quad (3)$$

Պարզ է, որ ալյսանդ պետք է վերցնել արմատի թվաբանական արժեքը:

Այսպիսով, տված երկու կետերի միջև հեռավորությունը գտնելու համար պետք է քառակուսի արմատ հանել նրանց համանուն կոորդինատների տարբերությունների քառակուսիների գումարից:

Ի հ ա ո ղ ա թ լ Յ ո ն: Եթե տված A և B կետերը գտնվեն

¹ Պարզ է, որ կետերի կոորդինատների մասին խոսել կարելի է միայն այն դեպքում, երբ կոորդինատների սխեման ընտրված է: Հետադաշում մենք ամեն անգամ չենք հիշեցնելու կոորդինատային սխեմայի ընտրված լինելու մասին:



կոորդինատային առանցքներից մեկին զուգահեռ ուղիղի վրա, ABC եռանկյունն չենք ստանա, սակայն (3) բանաձևն այս դեպքում էս իրավացի կլինի: Իսկապես, եթե A և B կետերը գտնվեն, օրինակ, OX առանցքին զուգահեռ ուղիղի վրա, այդ դեպքում՝ ակներևաբար՝ $AB = P_1P_2 = |x_2 - x_1|$ (գլ. 1, § 3): Այս նույն պատասխանը կստացվի նաև (3) բանաձևից, քանի որ տվյալ դեպքում $y_1 = y_2$:

$M(x, y)$ կետի հեռավորությունը $O(0,0)$ կետից, (3) բանաձևի համաձայն, կլինի՝

$$d = \sqrt{x^2 + y^2} \quad (3')$$

Օրինակ: Գտնել $(-1, 4)$ և $(2, 0)$ կետերի հեռավորությունը: Այդ հեռավորությունը հաշվենք (3) բանաձևով: Այստեղ $x_1 = -1$, $y_1 = 4$, $x_2 = 2$, $y_2 = 0$, հետևաբար՝

$$d = \sqrt{[2 - (-1)]^2 + (0 - 4)^2} = \sqrt{3^2 + 4^2} = 5:$$


§ 6. Հասվածի բաժանումը սվյալ հարաբերությամբ: Դիցուք տված են A և B երկու կետերը: Այդ կետերով տանենք ուղիղ և նրա վրա կամայապես ընտրենք դրական ուղղություն: Դիցուք M-ը մի որոշ կետ է այդ առանցքի վրա: Որտեղ էլ գտնվելու լինի M կետը— \overline{AB} հատվածի ներքը, թե՞ նրա շարունակության վրա դեպի մեկ կամ մյուս կողմը—պայմանավորվենք ասել, որ նա բաժանում է \overline{AB} ուղղությունը օժտված հատվածը: Ընդ որում, եթե M կետը գտնվում է A և B կետերի միջև, կասենք, որ նա \overline{AB} հատվածը ներքնապես է բաժանում, իսկ եթե M կետը գտնվում է հատվածի շարունակության վրա, ապա կասենք, որ նա հատվածն արտաքինապես է բաժանում:

Ատում ենք, որ M կետը \overline{AB} հատվածը բաժանում է λ հարաբերությամբ, եթե λ թիվը որոշվում է այսպես՝

$$\lambda = \frac{մեծ \overline{AM}}{մեծ \overline{MB}} \quad (4)$$

Եթե M կետը \overline{AB} հատվածը ներքնապես է բաժանում, այդ դեպքում \overline{AM} և \overline{MB} հատվածներն ունեն միևնույն ուղղությունը իսկ նրանց մեծությունները՝ նույն նշանը, հետևաբար λ հարաբերությունը դրական է: Եթե M կետը համընկնում է հատվածի A սկզբնակետի հետ, ապա $\lambda = 0$: Բաժանող M կետը հատվածի B ծայրակետին մոտենալիս λ հարաբերությունն անսահմանորեն աճում է, քանի որ հայտարարը (մեծ \overline{MB} -ն) ձգաում է զրոյի: Բաժանող M կետը հատվածի B ծայրակետի հետ համընկնելու դեպքը պետք է բացառել, քանի որ այդ դեպքում հարաբերությունն իմաստը կորցնում է (կոտորակի հայտարարը զրո է դառնում):

Եթե M կետը հատվածն արտաքինապես է բաժանում, ապա նրա ցանկացած դիրքի դեպքում \overline{AM} և \overline{MB} հատվածներն ունեն հակադիր ուղղություններ, իսկ նրանց մեծությունները՝ հակադիր նշաններ և, հետևաբար, λ հարաբերությունը, որով M կետը բաժանում է \overline{AB} հատվածը, բացասական է: Ընդ որում պարզ է, որ եթե բաժանող M կետը գտնվում է \overline{AB} հատվածից դուրս՝ նրա սկզբից այն կողմը, ապա λ հարաբերության բացարձակ մեծությունը մեկից փոքր է, իսկ եթե M -ը գտնվում է \overline{AB} հատվածի շարունակության վրա՝ նրա ծայրից այն կողմը, ապա $|\lambda| > 1$ (ներկատեսք, որ բաժանող M կետի ոչ մի դիրքի դեպքում λ հարաբերությունը չի կարող հավասարվել -1 -ի):




Գծ. 9.

Այսպիսով, ուղիղի վրա M կետի յուրաքանչյուր դիրքին (բացի այն դեպքից, երբ M -ը համընկնում է դիտարկվող հատվածի ծայրի հետ) համապատասխանում է λ հարաբերության որոշակի արժեք:

Այսպես, օրինակ, գծ. 9-ում M կետը \overline{AB} հատվածը բաժանում է $\lambda = \frac{3}{2}$ հարաբերությամբ: Այդ նույն կետը \overline{BA} հատվածը բաժանում է $\lambda = \frac{2}{3}$ արաբերությամբ: M_1 կետը \overline{BA} հատվածն արտաքինապես բաժանում է $\lambda = -\frac{8}{3}$ հարաբերությամբ, իսկ M_2 կետն այդ նույն \overline{AB} հատվածը բաժանում է $\lambda = -\frac{2}{7}$ հարաբերությամբ:

Հատվածը սովորաբար հարաբերությունը բաժանելու խնդիրն այսպես պիտի հասկանալ, սոված են $A(x_1, y_1)$ ու $B(x_2, y_2)$ կետերը և λ հարաբերությունը, որով \overline{AB} ուղիղի մի որոշ $M(x, y)$ կետ բաժանում է \overline{AB} հատվածը, պահանջվում է գտնել M կետի x, y կոորդինատները:

Դիցաք P_1, S, P_2 կետերը՝ A, M, B կետերի պրոյեկցիաներն են Ox առանցքի վրա ($AB \nparallel Oy$) (գծ. 10): AP_1, MS և BP_2 ուղիղները զուգահեռ են և, հետևաբար, նրանք AB ուղիղն ու Ox առանցքը բաժանում են համեմատական մասերի, այնպես որ՝ $AM : MB = P_1S : SP_2$: Նման առնչություն կա նաև $\overline{AM}, \overline{MB}, \overline{P_1S}$ և $\overline{SP_2}$ ուղղություններ օժտված հատվածների մեծությունների միջև՝



Գծ. 10

$$\frac{\text{մեծ } \overline{AM}}{\text{մեծ } \overline{MB}} = \frac{\text{մեծ } \overline{P_1S}}{\text{մեծ } \overline{SP_2}}; \quad (5)$$

Իրոք, գրված հավասարությունը երկու մասերի մտղույները, ինչպես հենց նոր ցույց տրվեց, հավասար են, իսկ նշաններն էլ համընկնում են, որովհետև \overline{AB} հատվածի նկատմամբ M կետի ամեն մի դասավորության դեպքում (ներքը, թե դուրսը՝ այս կամ այն կողմում) S կետը միշտ համապատասխան դասավորություն կունենա $\overline{P_1P_2}$ հատվածի նկատմամբ:

Քանի որ (գլ, I, § 3)՝

$$\text{մեծ } \overline{P_1S} = x - x_1, \quad \text{մեծ } \overline{SP_2} = x_2 - x$$

և, ըստ պայմանի՝

$$\frac{\text{մեծ } \overline{AM}}{\text{մեծ } \overline{MB}} = \lambda,$$

այս (5) համեմատությունից կստանանք՝

$$\frac{x - x_1}{x_2 - x} = \lambda,$$

որանից՝ $x - x_1 = \lambda(x_2 - x)$, կամ՝ $x - x_1 = \lambda x_1 - \lambda x$,

այսինքն՝ $x + \lambda x = x_1 + \lambda x_2$:

Կռժելով x -ի նկատմամբ, կստանանք՝

$$x = \frac{x_1 + \lambda x_2}{1 + \lambda}; \quad (6)$$

M կետի y օրդինատն ստանալու համար պետք է A, M, B կետերը պրոյեկտել օրդինատների առանցքի վրա. նախօրդի նշման կստանանք՝

$$y = \frac{y_1 + \lambda y_2}{1 + \lambda}; \quad (7)$$

(6) և (7) բանաձևերն էլ հենց լուծում են առաջադրված խնդիրը. դրանցից հետևում է, որ λ -ի յուրաքանչյուր արժեքին համապատասխանում է AB ուղիղի մի որոշակի M կետ, որի կոորդինատները որոշվում են հենց այդ բանաձևերով: Բացառություն է կազմում $\lambda = -1$ արժեքը, որի դեպքում բանաձևերը կորցնում են իրենց իմաստը:

(6) և (7) բանաձևերում, ընդունելով $\lambda = 1$, կգտնենք հավավածի միջնակետի կոորդինատները՝

$$x = \frac{x_1 + x_2}{2}, \quad y = \frac{y_1 + y_2}{2}, \quad (8)$$


այսինքն՝ հաավածի միջնակետի կոորդինատներից յուրաքանչյուրը հավասար է նրա ծայրակետերի համանուն կոորդինատների կիսագումարին:

Դիտողություն: (6) և (7) բանաձևերն արտածելիս մենք ենթադրել էինք, որ AB ուղիղը կոորդինատային առանցքներից ոչ մեկին զուգահեռ չէ: Սակայն բանաձևերն այդ դեպքում ևս իրավացի կլինեն: Իրոք, եթե AB ուղիղը զուգահեռ է Oy առանցքին, ապա $x_1 = x_2 = x$ և (6) բանաձևն ուժի մեջ է մնում: Ճիշտ այդպես էլ, (7) բանաձևն ուժի մեջ կմնա, եթե AB ուղիղը զուգահեռ լինի Ox առանցքին:

Օրինակ: Գտնել այն M կետի կոորդինատները, որն $A(1, 2)$ և $B(-1, 4)$ կետերը միացնող AB հատվածը բաժանում է $1:2$ հարաբերությամբ: Այստեղ՝ $x_1=1, y_1=2, x_2=-1, y_2=4$ և $\lambda = \frac{1}{2}$: Հեռակարգ՝

$$x = \frac{1 + \frac{1}{2}(-1)}{1 + \frac{1}{2}} = \frac{1}{3}, \quad y = \frac{2 + \frac{1}{2} \cdot 4}{1 + \frac{1}{2}} = \frac{8}{3}$$

§ 7. Երկու առանցքներով կազմված անկյունը: Դիցուք հարթություն վրա տված են l_1 և l_2 երկու առանցքներ, որոնք հատվում են S կետում (գծ. 11): Պայմանավորվենք տվյալ կարգով տրված l_1 և l_2 երկու առանցքների միջև կազմված անկյունն ասելով հասկանալ այն անկյունը, որով պետք է l_1 առանցքը պտտել S կետի շուրջը, որպեսզի նրա դրական ուղղությունը համընկնի l_2 առանցքի դրական ուղղության հետ: Այդ անկյունը նշանակելու ենք (l_1, l_2) : Նկատենք, որ (l_1, l_2) անկյունը կարող ենք դիտարկել նաև որպես S կետից l_1 և l_2 առանցքների դրական



Գծ. 11

ուղղություններով ելնող ճառագայթներով կազմված անկյուն: Անկյունը չափելով, ինչպես սովորաբար, աստիճաններով կամ ուղիղաններով¹, մենք ստացված թիվը, ինչպես և եռանկյունաչափու-

¹ չիշենք, որ չափման երկու եղանակների միջև էական տարբերություն չկա, տարբերությունը միայն չափման միավորի ընտրություն մեջ է,

թյան մեջ, կվերցնենք + կամ — նշանով՝ պատման ուղղությունից կախված, այն է՝ + նշանով, եթե անկյունն ստացվում է l_1 առանցքը ժամացույցի սլաքի հակառակ ուղղությամբ պտտելով, և — նշանով, եթե այդ առանցքի պտույտը կատարվում է ժամացույցի սլաքի ուղղությամբ²: Սակայն, l_1 առանցքը ո՛չ միակ ձեւով կարելի է պտտել այնպես, որ նրա դրական ուղղությունը համընկնի l_2 առանցքի դրական ուղղության հետ: Իրոք, եթե l_1 առանցքն արդեն պտտել ենք այդպիսի անկյունով, ապա դրանից հետո կարելի է լրացուցիչ կերպով այն նորից պտտել, ցանկացած անգամ լրիվ պտույտներ կատարելով ժամացույցի սլաքի հակառակ ուղղությամբ այնպես, որ l_1 -ի դրական ուղղությունն առաջվա նման համընկնի l_2 -ի դրական ուղղության հետ:

Այդպիսով, առանցքների միջև կազմված (l_1, l_2) անկյան համար կարելի է նշել ոչ թե մեկ, այլ անթիվ բազմություններ արժեքներ: Եթե այդ արժեքներից մեկը նշանակենք ω , ապա անկյան ամեն մի արժեք կարելի է ստանալ հետևյալ բանաձևով՝

$$(l_1, l_2) = \omega + 2n\pi,$$

որտեղ n -ը ցանկացած ամբողջ թիվ է (դրական, բացասական կամ զրո):

Հետագայում, խոսելով երկու առանցքներով կազմված անկյան մասին, մենք սովորաբար նկատի ենք ունենալու նրա բոլոր հնարավոր արժեքներից որևէ մեկը, ամենից հաճախ՝ իր մոպտով փոքրագույնը:

Մեր դատողությունների ընթացքում մենք ենթադրում էինք որ l_1 և l_2 առանցքները հատվում են: Առանցքների գոգահեռության դեպքում նրանցով կազմված անկյունը համարելու ենք հա-

որպիսին մի դեպքում ընդունվում է այն կենտրոնական անկյունը, որը հենվում է շրջանագծի $\frac{1}{360}$ մասի վրա (աստիճան), մյուս դեպքում՝ այն կենտրոնա-

կան անկյունը, որը հենվում է շրջանագծի՝ իր երկարությամբ շառավղին հավասար աղեղի վրա (ռադիան): Անկյունները ռադիաններով չափելիս չափման միավորի (ռադիանի) անունը հաճախ բաց են թողնում: Օրինակ, ստում են «ուղիղ անկյունը հավասար է $\frac{\pi}{2}$ -ի», փոխանակ ասելու՝ «ուղիղ ան-

կյունը հավասար է $\frac{\pi}{2}$ ռադիանի», «անկյունը հավասար է 2,3-ի»: փոխանակ


«անկյունը հավասար է 2,3 ռադիանի»:

² Տե՛ս սույն սլարագրաֆի վերջում արված դիտողությունը:


վասար զրոյի (կամ, ընդհանրապես՝ $2n\pi$), եթե նրանց դրական ուղղութիւնները համընկնում են, և π -ի (կամ, ընդհանրապես՝ $\pi + 2n\pi$), եթե նրանց դրական ուղղութիւնները հակադիր են:

Շարադրվածի նմանութեամբ, պայմանավորվում ենք առանցքով և ուղղութեամբ օժտված հատվածով կազմված անկյուն ասելով հասկանալ այն անկյունը, որով պետք է առանցքը պտտել, որպեսզի նրա դրական ուղղութիւնը համընկնի հատվածի ուղղութեան հետ (հարկ եղած դեպքում կարելի է հատվածը շարունակել մինչև առանցքի հետ հատվելը):

Դիտողութիւն: Մենք պայմանավորվեցինք դրական համարել այն անկյունները, որոնք հաշվվում են ժամացույցի սլաքի հակառակ ուղղութեամբ: Սակայն, երբեմն ավելի հարմար է լինում դրական անկյունները հաշվել ժամացույցի սլաքի ուղղութեամբ: Անկյուններ հաշվելու դրական ուղղութեան ընտրութիւնը կապված է կոորդինատային սիստեմի ընտրութեան հետ: Հարթութեան վրա վերցնենք կոորդինատների ուղղանկյուն զեկարտյան սիստեմի առանցքների դասավորութեան երկու տեսակ: Եթե նայենք Oy առանցքի դրական ուղղութեամբ, Ox առանցքը կարող է ուղղված լինել դեպի աջ (գծ. 12) կամ դեպի ձախ (գծ. 13): Առաջին դեպքում կոորդինատների սիստեմը կոչվում է աջ սիստեմ, երկրորդ դեպքում՝ ձախ սիստեմ: Այդ երկու սիստեմներից էլ կարելի է օգտվել: Ինչպես աջ սիստեմում, այնպես էլ ձախ սիստեմում այն անկյուններն են դրական համարվում, որոնք հաշվվում են այն ուղղութեամբ, ինչ ուղղութեամբ որ պետք է Ox առանցքը պտտել ուղիղ անկյունով, որպեսզի նրա դրական ուղղութիւնը համընկնի Oy առանցքի դրական ուղղութեան հետ: Ակներևաբար (տես գծ. 12 և 13), աջ սիստեմի դեպքում այդ պտույտը կա-



Գծ. 12




Գծ. 13

տարվում է ժամացույցի սլաքի հակառակ ուղղութեամբ, իսկ ձախ սիստեմի դեպքում՝ ժամացույցի սլաքի ուղղութեամբ: Հետագայում մենք, որպես կանոն, օգտվելու ենք կոորդինատների աջ սիստեմից


և, դրան համապատասխան, դրական անկյունները հաշվելու ենք ժամացույցի սլաքի հակառակ ուղղությունում, որ և նշեցինք սկզբում:

§ 8. **Պրոյեկցիաների սեռաբյան հիմնական գրույթները:** Արդեն ասել ենք, որ M կետի պրոյեկցիա առանցքի վրա կոչվում է M կետից այդ առանցքի վրա իջեցրած ուղղահայացի m հիմքը (գծ. 14):

Դիցուք հարթության վրա սված է ուղղությունը օժտված մի \overline{AB} հատված և մի l առանցք (պրոյեկցիաների առանցք) (գծ. 15): Այդ հատվածը մենք դիտարկելու ենք որպես M շարժվող կետի անցնելիք ճանապարհ: Երբ M կետը շարժվի \overline{AB} հատվածով, նրա m պրոյեկցիան առանցքի վրա կգծի ուղղությունը օժտված



Գծ. 14



Գծ. 15

մի \overline{ab} հատված, որը կոչվում է \overline{AB} հատվածի երկրաչափական պրոյեկցիա l առանցքի վրա:

Սակայն, հետադառնում հիմնական դեր կատարելու է հատվածի ոչ թե երկրաչափական պրոյեկցիան, այլ նրա մեծությունը, որը կոչվում է հատվածի պրոյեկցիա առանցքի վրա:

Այսպես, ուրեմն, ուղղությունը օժտված հատվածի պրոյեկցիա առանցքի վրա կոչվում է առանցքի այն հատվածի մեծությունը, որի սկիզբը պրոյեկտվող հատվածի սկզբի պրոյեկցիան է, ծայրը՝ այդ հատվածի ծայրի պրոյեկցիան:

Նկատենք, որ ուղղությունը օժտված հատվածի պրոյեկցիան թիվ է (դրական, բացասական կամ զրո): Պայմանավորվենք \overline{AB} հատվածի պրոյեկցիան l առանցքի վրա նշանակել պրլ \overline{AB} կարճ՝ պր \overline{AB} :


Ծանոթանանք պրոյեկցիաների տեսության հիմնական դրույթներին:

Ուղղությամբ օժտված \overline{AB} հատվածի պրոյեկցիան l առանցքի վրա հավասար է այդ հատվածի AB երկարությանը՝ բազմապատկած պրոյեկցիաների առանցքով ու տվյալ հատվածով կազմված α անկյան կոսինուսով՝

$$\text{պր}_l \overline{AB} = AB \cos \alpha: \quad (9)$$

Այս բանաձևի իրավացիությունը բավական է ապացուցել այն դեպքի համար, երբ պրոյեկցիաների առանցքն անցնում է պրոյեկտիվոյ հատվածի սկզբնակետով: Իրոք, \overline{AB} հատվածի պրոյեկցիան չի փոխվի, եթե պրոյեկցիաների առանցքն ինքն իրեն զուգահեռ տեղափոխենք: Այդ ժամանակ պրոյեկցիաների առանցքով և հատվածով կազմված անկյունը նույնպես կպահպանի իր նախկին արժեքը:

Դիցուք պրոյեկցիաների l առանցքն անցնում է \overline{AB} պրոյեկտիվոյ հատվածի սկզբնակետով (գծ. 16):



Գծ. 16

(9) հավասարությունն ապացուցելու համար, կառուցենք մի եռանկյունաչափական շրջանագիծ, որի կենտրոնը \overline{AB} հատվածի սկիզբն է, իսկ շառավիղը հավասար է այդ հատվածի երկարությանը, և ընդունենք, որ նրա սկզբնական տրամագիծն օղղված է l առանցքով (գծ. 16): Կոսինուսի սահմանման համաձայն ունենք՝

$$\cos \alpha = \frac{\text{մեծ } \overline{AB}}{AB}:$$

Քանի որ

$$\text{մեծ } \overline{AB} = \text{պր}_l \overline{AB},$$

ուստի՝

$$\cos \alpha = \frac{\text{պր}_l \overline{AB}}{AB},$$

որտեղից՝

$$\text{պր}_l \overline{AB} = AB \cos \alpha:$$

(9) հավասարությունն ապացուցվեց:

Այժմ ենթադրենք, թե ողղությունը օժտված \overline{AB} հատվածը գտնվում է մի u առանցքի վրա, դիցուք φ -ն՝ պրոյեկցիաների l առանցքով և u առանցքով կազմված անկյունն է:

Ուղղությամբ օժտված \overline{AB} հատվածի պրոյեկցիան l առանցքի վրա հավասար է այդ հատվածի մեծությանը՝ բազմապատկած պրոյեկցիաների l առանցքով և u առանցքով կազմված φ անկյան կոսինուսով՝


$$\text{պր}_l \overline{AB} = \text{մեծ } \overline{AB} \cdot \cos \varphi: \quad (10)$$

Նկատենք, որ այս բանաձևում պրոյեկցիան արտահայտված է մի որոշ առանցքի վրա գտնվող հատվածի մեծության միջոցով,


մինչդեռ (9) բանաձևում օգտագործվում է հատվածի երկարությունը:

Ապացուցենք (10) հավասարությունը: Այն դեպքում, երբ \overline{AB} հատվածի ուղղությունը համընկնում է u առանցքի դրական ուղղության հետ (գծ. 17), (10) հավասարությունն ուղղակի հետևում է արդեն ապացուցված (9) հավասարությունից: Իրոք, այդ դեպքում φ անկյունը միաժամանակ հանդիսանում է պրոյեկցիաների առանցքի և հատվածի միջև կազմված α անկյունը և հետևաբար՝

$$\text{պր}_l \overline{AB} = AB \cos \alpha = AB \cos \varphi:$$



Գծ. 17



Գծ. 18

Բացի այդ, հաշվի առնելով, որ տվյալ դեպքում

$$\text{մեծ } \overline{AB} = AB,$$

կստանանք՝

$$\text{պր}_l \overline{AB} = \text{մեծ } \overline{AB} \cos \varphi:$$

Իսկ եթե \overline{AB} հատվածի ուղղությունը հակադիր է u առանցքի ուղղությանը (գծ. 18), ապա պրոյեկցիաների առանցքի և \overline{AB} հատվածի միջև կազմված α անկյունը հավասար է $\varphi + \pi$ (քանի որ՝ եթե l առանցքը նախ պտտենք φ անկյունով, և ապա նաև π անկյունով, այդ ժամանակ նրա դրական ուղղությունը կհամընկնի u , առանցքի բացառական ուղղության հետ, այսինքն՝ \overline{AB} հատվածի ուղղության հետ): Հետևաբար՝

$$\text{պր}_l \overline{AB} = AB \cos \alpha = AB \cos(\varphi + \pi) = -AB \cos \varphi:$$


Հաշվի առնելով, որ այս դեպքում մեծ $\overline{AB} = -AB$, կստանանք

$$\text{պր}_l \overline{AB} = \text{մեծ } \overline{AB} \cos \varphi:$$

Այսպիսով, (10) հավասարությունը լրիվ ապացուցվեց:

Այժմ վերցնենք մի կամայական բեկյալ գիծ՝ ABCDEF (գծ. 19): Այդ բեկյալը մենք կդիտարկենք որպես հետագիծ մի M կետի, որը հաջորդաբար գծում է այդ բեկյալի բոլոր օղակները (հատ-

վածները)՝ նրա A սկզբնակետից մինչև F ծայրակետը: Այդ ժամանակ բեկյալի վրա սահմանվում է շարժման ուղղութիւն, իսկ նրա օղակները կարող են զիտվել որպէս ուղղութեամբ օժտված հատվածներ: Այդպիսի բեկյալը կանվանենք ուղղութեամբ օժտված բեկյալ՝ A, B, C, D, E և F կետերը հաջորդաբար միացնող ուղղութեամբ օժտված բեկյալը կնշանակենք \overline{ABCDEF} :



Գծ. 19

Երբ M կետը շարժվի \overline{ABCDEF} բեկյալի վրայով, նրա m պրոյեկցիան առանցքի վրա կշարժվի a կետից, որն A կետի պրոյեկցիան է, մինչև f կետը, որն F կետի պրոյեկցիան է: Առանցքի ուղղութեամբ օժտված \overline{af} հատվածը կոչվում է \overline{ABCDEF} բեկյալի երկրաչափական պրոյեկցիա առանցքի վրա:

Բեկյալի երկրաչափական պրոյեկցիայի մեծութիւնն անվանում են բեկյալի պրոյեկցիա: Այսպիսով, ուղղութեամբ օժտված բեկյալի պրոյեկցիա առանցքի վրա կոչվում է այդ առանցքի այն հատվածի մեծութիւնը, որի սկիզբը պրոյեկտվող բեկյալի սկզբնակետի պրոյեկցիան է, իսկ ծայրը՝ այդ բեկյալի ծայրակետի պրոյեկցիան:

Նկատենք, որ ուղղութեամբ օժտված բեկյալի պրոյեկցիան առանցքի վրա՝ թիվ է:

Հեշտ է ցույց տալ, որ ուղղութեամբ օժտված բեկյալի պրոյեկցիան հավասար է նրա հատվածների պրոյեկցիաների գումարին: Իբրոք, առանցքի վրա պրոյեկտելով \overline{ABCDEF} բեկյալի յուրաքանչյուր օղակը (գծ. 19), կստանանք (գլ. 1. §1)՝

$$մեծ \overline{af} = մեծ \overline{ab} + մեծ \overline{bc} + մեծ \overline{cd} + մեծ \overline{de} + մեծ \overline{ef},$$

կամ, բեկյալի պրոյեկցիան նշանակելով պր \overline{ABCDEF} , կունենանք՝


$$պր \overline{ABCDEF} = պր \overline{AB} + պր \overline{BC} + պր \overline{CD} + պր \overline{DE} + պր \overline{EF}: \quad (11)$$

Այնուհետև պարզ է, որ ուղղութեամբ օժտված բեկյալի պրոյեկցիան նրա ձևից կախված չէ, այլ կախված է միայն նրա


¹ Հետագայում ուղղութեամբ օժտված բեկյալն ուղղակի անվանելու ենք բեկյալ, բաց թողնելով «ուղղութեամբ օժտված» բառերը, եթե այդ թյուրիմացութեան առիթ չի տա:

սկզբնակետի և ծայրակետի դիրքից: Հետևաբար, ընդհանուր սկզբնակետ և ընդհանուր ծայրակետ ունեցող բեկյալների պրոյեկցիաները միմյանց հավասար են (գծ. 20):

Բեկյալ գծի փակող հատված անվանենք ուղղությամբ օժտորված այն հատվածը, որի սկիզբն այդ բեկյալի սկզբնակետն է, իսկ ծայրը՝ նրա ծայրակետը: Ակներեկաջար, բեկյալի պրոյեկցիան հավասար է նրա փակող հատվածի պրոյեկցիային (գծ. 21):



Գծ. 20



Գծ. 21

Եթե բեկյալը փակ է, այսինքն՝ նրա սկզբնակետն ու ծայրակետը համընկնում են, ապա նրա պրոյեկցիան հավասար է զրոյի:

§ 9. Ուղղությամբ օժտված հասվածի պրոյեկցիաները կոորդինատային առանցքների վրա: Այս պարագրաֆում մենք ամենից առաջ կտանանք բանաձևեր, որոնք արտահայտում են ուղղությամբ օժտված հատվածի պրոյեկցիաները կոորդինատային առանցքների վրա:

Դիցուք հայտնի են \overline{AB} հատվածի d երկարությունը և Ox առանցքով ու այդ հատվածով կազմված α անկյունը (գծ. 22):

\overline{AB} հատվածի պրոյեկցիան Ox առանցքի վրա կտանանք ուղղակի § 8-ի (9) բանաձևից՝ պր_x $\overline{AB} = d \cos \alpha$: \overline{AB} հատվածի պրոյեկցիան Oy առանցքի վրա ստանալու համար նկատենք, որ Oy առանցքի և \overline{AB} հատվածի միջև կազմված անկյունը հավասար է $\alpha - \frac{\pi}{2}$. Իսկապես, եթե Oy առանցքը նախ պտտենք $-\frac{\pi}{2}$ ան-

կյունով, հետո՝ α անկյունով, ապա նրա դրական ուղղությունը կհամընկնի \overline{AB} հատվածի ուղղության հետ: Այդ դեպքում պր_y $\overline{AB} = d \cos \left(\alpha - \frac{\pi}{2} \right) = d \sin \alpha$: Այսպիսով ստացանք՝


$$\left. \begin{aligned} \text{պր}_x \overline{AB} &= d \cos \alpha, \\ \text{պր}_y \overline{AB} &= d \sin \alpha. \end{aligned} \right\} \quad (12)$$

Այժմ ենթադրենք, թե \overline{AB} հատվածը գտնվում է մի և
 առանցքի վրա: Այդպիսի դեպքում այդ հատվածի պրոյեկցիանե-
 րը կորդինատային առանցքների վրա կարելի է արտահայտել
 նաև իր մեծություն և Ox առանցքով
 ու Oy առանցքով կազմված φ անկյու-
 նով: Ըստ (10) բանաձևի կունենանք՝

$$\left. \begin{aligned} \text{պր}_x \overline{AB} &= \text{մեծ} \overline{AB} \cos \varphi, \\ \text{պր}_y \overline{AB} &= \text{մեծ} \overline{AB} \sin \varphi, \end{aligned} \right\} \quad (13)$$

Քանի որ Oy և Ox առանցքներով
 կազմված անկյունը հավասար է

$$\varphi - \frac{\pi}{2} \text{ և } \cos \left(\varphi - \frac{\pi}{2} \right) = \sin \varphi:$$



Գծ. 22

Իսկ եթե \overline{AB} հատվածը արված է
 իր $A(x_1, y_1)$ սկզբի և $B(x_2, y_2)$ ծայ-
 րի կորդինատաների միջոցով, ապա հատվածի պրոյեկցիաները կո-
 ուրդինատային առանցքների վրա կարելի է արտահայտել նրա
 ծայրակետերի կորդինատաների միջոցով:

\overline{AB} հատվածի պրոյեկցիան Ox առանցքի վրա հավասար է
 Ox առանցքի $\overline{P_1P_2}$ հատվածի մեծությանը (գծ. 22): Քանի որ
 մեծ $\overline{P_1P_2} = x_2 - x_1$ (գլ. 1, § 3), ուստի $\text{պր}_x \overline{AB} = x_2 - x_1$: Ճիշտ
 այդպես էլ՝ $\text{պր}_y \overline{AB} = y_2 - y_1$: Այսպիսով, ստացանք՝

$$\left. \begin{aligned} \text{պր}_x \overline{AB} &= x_2 - x_1, \\ \text{պր}_y \overline{AB} &= y_2 - y_1: \end{aligned} \right\} \quad (14)$$

Նկատենք, որ կորդինատաների սկզբնակետը $M(x, y)$ կամա-
 յական կետի հետ միացնող հատվածը պրոյեկտելով կորդինա-
 տային առանցքների վրա, (14) բանաձևերով կստանանք՝

$$\left. \begin{aligned} \text{պր}_x \overline{OM} &= x, \\ \text{պր}_y \overline{OM} &= y: \end{aligned} \right\} \quad (14')$$

Այսպիսով, M կետի x և y կորդինատաները կարելի է գիտարկել
 որպես \overline{OM} հատվածի պրոյեկցիաներ կորդինատային առանցք-
 ների վրա:

Հետագայում մեզ հարկավոր է լինելու մի բանաձև, որը Ox
 առանցքով և \overline{AB} հատվածով կազմված անկյան տանգենսն ար-
 տահայտում է այդ հատվածի ծայրակետերի կորդինատաների մի-
 ջոցով: Այդ բանաձևը հեշտությամբ կստացվի, եթե օգտվենք մեր
 ստացած բանաձևերից: Իրոք, միմյանց հետ բաղդատելով (12)
 և (14) բանաձևերը, կստանանք՝

$$\left. \begin{aligned} d \cos \alpha &= x_2 - x_1 \\ d \sin \alpha &= y_2 - y_1 \end{aligned} \right\} \quad (15)$$


որակելից

$$\operatorname{tg} \alpha = \frac{y_2 - y_1}{x_2 - x_1}, \quad (16)$$

Այս բանաձևը որոշում է Ox առանցքով և ուղղութիւյամբ օժտված \overline{AB} հատվածով կազմված անկյան տանգենսը:

Եթե հատվածի ուղղութիւյունը փոխենք իր հակադիր ուղղութիւյամբ, այսինքն՝ դիտարկենք \overline{BA} հատվածը, ապա Ox առանցքի և հատվածի միջև կազմված անկյունը կփոխվի π -ով, իսկ անկյան տանգենսը, ակներկաբար, կպահպանի նախկին արժեքը և, հետևաբար, կորոշվի նույն (16) բանաձևով:

§ 10. Եռանկյան մակերեսը: Տրված են եռանկյան գագաթները՝ $A(x_1, y_1)$, $B(x_2, y_2)$, $C(x_3, y_3)$ (գծ. 23): Եռանկյան մակերեսն արտահայտենք նրա գագաթների կոորդինատների միջոցով:



Գծ. 23

Դիցուք $CA = d_1$, $CB = d_2$, իսկ φ -ն՝ \overline{CA} և \overline{CB} հատվածներով կազմված անկյունն է (այսինքն՝ այն անկյունը, որով պետք է պտտել \overline{CA} հատվածը C կետի շուրջը, որպեսզի այն համընկնի \overline{CB} հատվածի ուղղութիւյան հետ. անկյունը, ինչպես սովորաբար, վերջընելու ենք իր նշանով):

Ինչպես հայտնի է, եռանկյան մակերեսը՝

$$S = \left| \frac{1}{2} d_1 d_2 \sin \varphi \right|:$$

Բայց, քանի որ $\varphi = \alpha_2 - \alpha_1$, որակել α_1 -ը և α_2 -ը՝ Ox առանցքով և \overline{CA} ու \overline{CB} հատվածներով կազմված անկյուններն են, ուստի՝

$$\begin{aligned} \frac{1}{2} d_1 d_2 \sin \varphi &= \frac{1}{2} d_1 d_2 \sin (\alpha_2 - \alpha_1) = \\ &= \frac{1}{2} (d_1 \cos \alpha_1 d_2 \sin \alpha_2 - d_2 \cos \alpha_2 d_1 \sin \alpha_1): \end{aligned}$$

Նախորդ պարագրաֆի (15) բանաձևերի համաձայն՝

$$\begin{aligned} d_1 \cos \alpha_1 &= x_1 - x_3, & d_1 \sin \alpha_1 &= y_1 - y_3, \\ d_2 \cos \alpha_2 &= x_2 - x_3, & d_2 \sin \alpha_2 &= y_2 - y_3: \end{aligned}$$

Տեղադրելով այս արժեքները եռանկյան S մակերեսի վերահիշյալ արտահայտության մեջ, կստանանք՝

$$S = \frac{1}{2} \left| (x_1 - x_3)(y_2 - y_3) - (x_2 - x_3)(y_1 - y_3) \right| \quad (17)$$

Օգտվելով դետերմինանտի գաղափարից (գլ. VI, § 1), ըստացված բանաձևը կարելի է հետևյալ տեսքով գրել՝

$$S = \pm \frac{1}{2} \begin{vmatrix} x_1 - x_3 & y_1 - y_3 \\ x_2 - x_3 & y_2 - y_3 \end{vmatrix} \quad (17')$$

Այստեղ պետք է վերցնել $+կամ -$ նշանը, նայած թե դետերմինանտն ինքը դրական է, թե բացասական:

Մասնավորապես, երբ գաղաթյուններից մեկը, օրինակ՝ C -ն, գտնվի կոորդինատների սկզբնակետում, կունենանք $x_3 = y_3 = 0$ և հետևաբար՝

$$S = \pm \frac{1}{2} (x_1 y_2 - x_2 y_1) = \pm \frac{1}{2} \begin{vmatrix} x_1 & y_1 \\ x_2 & y_2 \end{vmatrix} \quad (17'')$$

Օրինակ: Հաշվել այն ABC եռանկյան մակերեսը, որի գագաթներն են՝ $A(1, 2)$, $B(-2, 3)$, $C(0, 5)$:

Այստեղ $x_1 = 1$, $y_1 = 2$, $x_2 = -2$, $y_2 = 3$, $x_3 = 0$, $y_3 = 5$: Հետևաբար, (17) բանաձևի համաձայն, ABC եռանկյան մակերեսի համար կստանանք՝

$$S = \frac{1}{2} \left| (1-0)(3-5) - (-2-0)(2-5) \right| = 4 \text{ քառ. միավոր:}$$

Եթե A , B , C երեք կետերը գտնվում են մեկ ուղիղի վրա՝ ապա ABC եռանկյունը հատված է դառնում և ունի զրո մակերես՝ $S = 0$: Այդպիսի դեպքում (17) բանաձևը վերածվում է հետևյալ հավասարությանը՝

$$0 = \frac{1}{2} [(x_1 - x_3)(y_2 - y_3) - (x_2 - x_3)(y_1 - y_3)],$$

կամ՝

$$(x_1 - x_3)(y_2 - y_3) = (x_2 - x_3)(y_1 - y_3), \quad (18)$$

որը կարելի է գրել նաև համեմատության ձևով՝

$$\frac{x_1 - x_3}{x_2 - x_3} = \frac{y_1 - y_3}{y_2 - y_3}, \quad (18')$$

Այս հավասարությունը միմյանց հետ կապում է A , B , C երեք կետերի կոորդինատները այն և միայն այն դեպքում, երբ այդ կետերը գտնվում են մեկ ուղիղի վրա: Հետևաբար, գրած հա-

մեմատությունն արտահայտում է երեք կետերի մեկ ուղիղի վրա գտնվելու պայմանը:

Օրինակ 1. Իմանալ, թե $A(1, 2)$, $B(2, 3)$, $C(3, 4)$ կետերը գտնվում են սրղյոք մեկ ուղիղի վրա:

Այստեղ $x_1=1$, $y_1=2$, $x_2=2$, $y_2=3$, $x_3=3$, $y_3=4$: (18') պայմանը չափում է՝

$$\frac{1-3}{2-3} = \frac{2-4}{3-4}, \text{ այսինքն՝ } 2=2$$

և, հետևաբար, բավարարվում է: Ուրեմն տված երեք կետերը գտնվում են մեկ ուղիղի վրա:

Օրինակ 2. Ինչպիսի՞ պայմանի դեպքում $A(x_1, y_1)$, $B(x_2, y_2)$ կետերը և կոորդինատների սկզբնակետը կգտնվեն մեկ ուղիղի վրա:

Այստեղ երրորդ կետի x_3, y_3 կոորդինատները հավասար են զրոյի, և (18') պայմանը դառնում է այսպիսին՝

$$\frac{x_1}{x_2} = \frac{y_1}{y_2},$$


այսինքն՝ երկու կետեր կգտնվեն կոորդինատների սկզբնակետի հետ միասին մեկ ուղիղի վրա, եթե նրանց կոորդինատները համեմատական լինեն:

Դիտողություն: (18) հավասարությունից (18')-ին անցնել կարելի է միայն այն դեպքում, երբ $x_2 \neq x_3$ և $y_2 \neq y_3$ թվերից ոչ մեկը հավասար չէ զրոյի: Սակայն, քանի որ հիշելու համար (18') հավասարությունն ավելի հարմար է, ուստի պայմանավորվենք այդ գրել նաև այն դեպքում, երբ հայտարարները զրո են դառնում: Այսպիսի դեպքերում, իհարկե, գրություն այդ ձևը պետք է տառացիորեն չհասկանալ, այլ պայմանականորեն: Պետք է ընդունենք, որ (18') հավասարությունը միշտ ա՛յն է նշանակում, ինչ որ (18)-ը, այսինքն՝ որ արտաքին անդամների $(x_1 - x_3)(y_2 - y_3)$ արտադրյալը հավասար է ներքին անդամների $(x_2 - x_3)(y_1 - y_3)$ արտադրյալին: Օրինակ, $\frac{x_1}{0} = \frac{y_1}{1}$ նշանակում է, որ $x_1 \cdot 1 = y_1 \cdot 0$, այսինքն՝ $x_1 = 0$:

§ 11. Բևեռային կոորդինատներ: Հարթության վրա կետի դիրքը որոշելու համար, բացի կոորդինատների՝ վերևում դիտարկված դեկարտյան ուղղանկյուն սիստեմից, բավական հաճախ է օգտագործվում նաև կոորդինատների բևեռային սիստեմը:

Դիցուք հարթության վրա արված են մի O կետ (որ կանամանենք բևեռ) և այդ կետով անցնող մի OP առանցք (որ կանամանենք բևեռային առանցք), ինչպես և՛ ընտրված է մասշտաբի միավոր (գծ. 24): Հարթության ցանկացած M կետի դիրքը որոշենք բևեռի և բևեռային առանցքի նկատմամբ: M կետի $r = OM$

Նեոափորությունը բևեռից անվանենք նրա բևեռային շառավիղ, իսկ բևեռային առանցքով և OM ուղղությամբ օժտված հատվածով կազմված φ -անկյունը՝ բևեռային անկյունը. պայմանափորվենք φ անկյունը վերցնել $-\pi < \varphi \leq \pi$ սահմաններում: Այդ դեպքում, ակներևաբար, հարթության չորսաքանչյուր M կետին կհամապատասխանի r և φ թվերի միացն մեկ զույգ (բացառություն է կազմում բևեռը, որի համար $r=0$, իսկ φ -ն ցանկացած արժեք ունի):



Գծ. 24


Հակադարձաբար, r և φ թվերի չորսաքանչյուր զույգին ($r \geq 0, -\pi < \varphi \leq \pi$) համապատասխանում է հարթության միացն մեկ կետ, որի համար r -ը բևեռային շառավիղ է, իսկ φ -ն՝ բևեռային անկյունը: Կետի բևեռային շառավիղն ու բևեռային անկյունը կոչվում են

այդ կետի բևեռային կոորդինատներ: Պայմանափորվում ենք կետի բևեռային կոորդինատները գրել կետը նշանակող տառից նետո՝ փակագծերում, ցույց տալով նախ r -ը, ապա φ -ն՝ $M(r, \varphi)$:


Օրինակ: Բևեռային սխաեմում կառուցել $A(2, \frac{3}{4}\pi)$ կետը:

Օ բևեռից տանենք մի առանցք, որը բևեռային առանցքի նեա կազմի $\frac{3}{4}\pi$ անկյուն (այլ խոսքով՝ բևեռային առանցքը պտտենք $\frac{3}{4}\pi$ անկյունով) և այդ առանցքի վրա դրական ուղղությամբ O բևեռից սկսած վերցնենք OA հատվածը, որի երկարությունը հավասար է 2 միավորի: Այդ հատվածին A ծայրը կլինի որոնելի կետը (գծ. 25):

Կարելի է կապ հաստատել միևնույն կետի դեկարտյան և բևեռային կոորդինատների միջև: Դիցուք սված են կոորդինատների դեկարտյան սխաեմ և բևեռային սխաեմ այնպեա, որ բևեռը



Գծ. 25



Գծ. 26

գտնվում է դեկարտյան սխաեմի սկզբնակետում, իսկ բևեռային առանցքը համընկնում է աբսցիսների առանցքի նեա (գծ. 26):

Հարթության M կամայական կետի դեկարտյան կոորդինատ-

ները նշանակենք x , y , բևեռային կոորդինատները՝ r , φ : Մենք գիտենք (գլ. I, § 9 (14') բանաձևեր), որ՝

$$x = r \cos \varphi,$$

$$y = r \sin \varphi,$$

իսկ մյուս կողմից (նույն տեղը, (12) բանաձևեր)՝

$$r \cos \varphi = x,$$

$$r \sin \varphi = y:$$

Հետևաբար՝

$$\left. \begin{aligned} x &= r \cos \varphi, \\ y &= r \sin \varphi: \end{aligned} \right\} \quad (19)$$

Այս բանաձևերն M կետի դեկարտյան կոորդինատներն արտահայտում են նույն կետի բևեռային կոորդինատների միջոցով: Բևեռային կոորդինատները դեկարտյան կոորդինատներով արտահայտելու համար (19) հավասարումներից յուրաքանչյուրի երկու մասերը քառակուսի բարձրացնենք և ապա անդամ առ անդամ գումարենք: Կստանանք՝

$$x^2 + y^2 = r^2 (\cos^2 \varphi + \sin^2 \varphi),$$

այսինքն՝

$$r^2 = x^2 + y^2,$$

որտեղից՝

$$r = \sqrt{x^2 + y^2}: \quad (20)$$

Այնուհետև նույն (19) հավասարություններից ստանում ենք՝

$$\operatorname{tg} \varphi = \frac{y}{x}: \quad (21)$$

Այս բանաձևով որոշվում է φ բևեռային անկյունը, ընդ որում φ -ի համար ստացվում է երկու արժեք (հիշենք, որ $-\pi < \varphi \leq \pi$), որոնք գտնվում են տարբեր քառորդներում: Քանի որ $y = r \sin \varphi$, ուստի φ անկյան այդ երկու արժեքներից պետք է ընտրել այն, որի համար սինուսը կունենա նույն նշանը, ինչ որ ունի y -ը:

Օրինակ: Տված են M կետի դեկարտյան կոորդինատները՝ $x=1$, $y=-1$: Պտտել այդ կետի բևեռային կոորդինատները:

Ըստ (20) և (21) բանաձևերի ունենք՝

$$r = \sqrt{1+1} = \sqrt{2}, \quad \operatorname{tg} \varphi = -1:$$

$\varphi = \frac{3}{4}\pi$ և $\varphi = -\frac{\pi}{4}$ երկու արժեքներից պետք է վերցնել $\varphi = -\frac{\pi}{4}$ արժեքը,

քանի որ $\sin \varphi$ -ն սվյալ դեպքում պետք է ունենա բացասական նշան: Այդպիսով, բեկռային կոորդինատները կլինեն՝

$$r = \sqrt{2}, \quad \varphi = -\frac{\pi}{4}:$$

Գիտողութուն: Մեր մտածած բեկռային կոորդինատների համար $r \geq 0$, $-\pi < \varphi \leq \pi$: Սակայն այդպիսի սահմանափակումը երբեմն ձեռնտու չէ, ուստի հետագայում մենք կենթադրենք, որ r -ը և φ -ն կարող են ցանկացած արժեքներ ստանալ $-\infty$ -ից մինչև $+\infty$: Այդ դեպքում r և φ բեկռային կոորդինատների օգնությամբ կետի կառուցումը պայմանավորվում ենք կատարել հետևյալ ձևով:

Օ բեկռով տանում ենք մի առանցք, որը բեկռային առանցքի հետ կազմի φ անկյուն (այլ խոսքով, բեկռային առանցքը պտտում ենք φ անկյունով, հարկ եղած դեպքում մի քանի լրիվ պտտություններ կատարելով): Այնուհետև, կառուցած առանցքի վրա, բեկռից սկսած, վերցնում ենք $|r|$ երկարությամբ OM հատված՝ առանցքի վրական ուղղությամբ, եթե $r > 0$, և բացասական ուղղությամբ, եթե $r < 0$: Այդ հատվածի M ծայրը կլինի որոնելի կետը: Ակներև է, որ այսպիսի կառուցման դեպքում M կետի բեկռային շառավիղը հավասար է այն \overline{OM} հատվածի մեծությանը, որը գտնվում է բեկռային առանցքի հետ φ անկյուն կազմող առանցքի վրա: Էական է, որ ցանկացած r և φ իրական թվերի դույզին համապատասխանում է միայն մեկ M կետ: Հենց այդ պատճառով էլ այդ թվերը ծառայում են որպես կետի կոորդինատներ:

Նկատենք, որ (19) բանաձևերն իրավացի են մնում ոչ միայն $r \geq 0$, $-\pi < \varphi \leq \pi$ դեպքում, այլև ընդհանուր դեպքում: Այդ ապացուցելու համար կարելի է օգտվել § 9-ի (13) բանաձևերից, որոնք \overline{OM} հատվածի պրոյեկցիաները կոորդինատային առանցքների վրա արտահայտում են նրա r մեծության և Ox առանցքով ու այն առանցքով կազմված φ անկյունով, որի վրա գտնվում է \overline{OM} ուղղությամբ օժտված հատվածը: Այդ ժամանակ $r^2 = x^2 + y^2$ բանաձևից r -ը գտնելիս արմատը կարելի է վերցնել ցանկացած նշանով՝

$$r = \pm \sqrt{x^2 + y^2}, \quad (20')$$

որից հետո φ անկյունը կարելի է գտնել (21) բանաձևով, ընդ որում այնպես, որպեսզի $\sin \varphi$ -ն ունենա նույն նշանը, ինչ որ $\frac{y}{r}$ կոտորակը (քանի որ $y = r \sin \varphi$):

Վարժուքյուևներ¹

✓ 1. Կառուցել այն կետերը, որոնք տվյալ մասշտաբի գեպըում որոշվում են հետևյալ կոորդինատներով՝

$$\begin{array}{ll} x=2, & y=5, & x=3, & y=-3, \\ x=0, & y=4, & x=3, & y=-4, \\ x=-3, & y=0, & x=\sqrt{2}, & y=-1: \end{array}$$

2. Տրված է մի կետ, որը որոշվում է $x=5$, $y=-2$ կոորդինատներով: Գտնել այն կետի կոորդինատները, որը տվածին սիմետրիկ է արսցիսների առանցքի նկատմամբ:

✓ 3. Գտնել այն B կետը, որը սիմետրիկ է A(2, -4) կետին I և III կոորդինատային անկյունների կիսորդի նկատմամբ:

4. Գտնել այն կետի կոորդինատները, որը սիմետրիկ է A(a, b) կետին՝ արսցիսների առանցքի նկատմամբ:

5. Գտնել այն կետի կոորդինատները, որը սիմետրիկ է A(a, b) կետին՝ օրդինատների առանցքի նկատմամբ:

6. Գտնել այն կետի կոորդինատները, որը սիմետրիկ է A(a, b) կետին՝ կոորդինատների սկզբնակետի նկատմամբ:

7. Յուևյ տալ, որ այն A_2 կետը, որը I և III կոորդինատային անկյունների կիսորդի նկատմամբ սիմետրիկ է $A_1(a, b)$ կետին, ունի (b, a) կոորդինատները:

8. Տված է մի քառակուսի, որի կողմը հավասար է 2 միավորի: Ինչի^o հավասար կլինեն այդ քառակուսու գագաթների կոորդինատները, եթե որպես կոորդինատային առանցքներ ընտրենք նրա՝ իրար ո՛չ զուգահեռ որևէ երկու կողմերը:

9. Տված է մի քառակուսի, որի կողմը հավասար է 2 միավորի: Ինչի^o հավասար կլինեն նրա գագաթների կոորդինատները, եթե որպես կոորդինատային առանցքներ ընտրենք այդ քառակուսու անկյունագծերը:

10. Տված է մի շեղանկյուն (ուժք), որի կողմը հավասար է 5 միավորի, իսկ անկյունագծերից մեկը՝ 6 միավորի: Ինչի^o հավասար կլինեն նրա գագաթների կոորդինատները, եթե որպես կոորդինատային առանցքներ ընդունենք այդ շեղանկյան անկյունագծերը:

11. Գտնել a միավոր կողմ ունեցող կանոնավոր վեցանկյան գագաթների կոորդինատները, եթե կոորդինատների սկզբնակետը գտնվում է վեցանկյան կենտրոնում և արսցիսների առանցքն անցնում է երկու հակադիր գագաթներով:

✓ 12. Կետը, շարժվելով ուղիղ գծով, A(-3, -2) կետից տեղափոխվել է B(4, 5) կետը: Գտնել անցած ճանապարհի երկարությունը և այն α անկյունը, որ շարժման ուղղությունը կազմում է OX առանցքի հետ:

✓ 13. A(1, 1), B(-1, 2) և C(3, 3) գագաթներ ունեցող եռանկյան ներքին անկյունների թվում կա՞ արդյոք բուժ անկյուն:

¹ Վարժուքյուևների պատասխանները բերված են գրքի վերջում. աստղիկով նշված խնդիրների համար տրված են նաև լուծումները:

14. Ապացուցել, որ $A(3, 2)$, $B(6, 5)$, $C(1, 10)$ գազաթիկեր ունեցող եռանկյունը ուղղանկյուն է:

15. Գտնել $A(2, 3)$, $B(-3, 3)$, $C(0, -1)$ գազաթիկեր ունեցող եռանկյան պարագիծը:

16. Գտնել $A(2, 1)$, $B(-2, 3)$, $C(0, 3)$ գազաթիկեր ունեցող եռանկյան միջնագծերի երկարությունները:

17. Տարված է մի հատված $(1, -1)$ կետից մինչև $(-4, 5)$ կետը: Նույն ուղղությամբ մինչև ո՞ր կետը պետք է շարունակել այդ հատվածը, որպեսզի նրա երկարությունը եռապատկվի:

18. Աբսցիսների առանցքի վրա գտնել այն կետը, որը հավասարապես է հեռացած կոորդինատների սկզբնակետից և $(-5, 3)$ կետից:

19. Գտնել այն կետը, որը հավասարապես է հեռացած կոորդինատային առանցքներից և $(3, 6)$ կետից:

20. Գտնել այն կետը, որը գտնվում է 10 միավոր հեռավորության վրա արսցիսների առանցքից և $(-5, 2)$ կետից:

21. Ուղիղ գիծն անցնում է $A(2, 4)$ և $B(5, 1)$ կետերով: Նրա վրա գտնել այն կետը, որի արսցիսը հավասար է -3 -ի:

22. $(x, 5)$ և $(-2, y)$ կետերի հեռավորությունը $(1, 1)$ կետում կիսվում է: Գտնել այդ կետերը:

23. $(0, 2)$ և $(8, 0)$ կետերը միացնող հատվածը բաժանել նույն հարաբերությամբ, ինչ հարաբերությունն որ կա այդ կետերի՝ սկզբնակետից ունեցած հեռավորությունների միջև:

24. Տված են եռանկյան երկու գազաթիկերի կոորդինատները՝ $x_1=3$, $y_1=7$ և $x_2=-2$, $y_2=5$: Երրորդ գազաթիկ գտնել այնպես, որպեսզի նրանով անցնող կողմերի միջնակետերը գտնվեն կոորդինատային առանցքների վրա:

25. Եռանկյան հիմքը հավասար է a -ի, բարձրությունը h -ի, իսկ մյուս երկու կողմերից մեկը՝ b -ի: Հիմքն ու բարձրությունն ընդունելով որպես կոորդինատային առանցքներ, գտնել երրորդ կողմի միջնակետի կոորդինատները:

26*. Գտնել այն եռանկյան միջնագծերի հատման կետը, որի գազաթիկերն են՝ $A(1, 2)$, $B(0, 5)$, $C(-2, 3)$:

27. Եռանկյան գազաթիկերն են՝ $(5, 0)$, $(3, -8)$, $(1, -4)$: Գտնել այն կետերը, որտեղ եռանկյան միջնագծերը բաժանվում են երեք հավասար մասերի:

28. Եռանկյան ծանրության կենտրոնի կոորդինատներն արտահայտել նրա գազաթիկերի կոորդինատների միջոցով:

29. Ցուլյց տալ, որ եթե սիստեմը բաղկացած է n նյութական կետերից՝ $A_1(x_1, y_1)$, $A_2(x_2, y_2)$, ..., $A_n(x_n, y_n)$, որտեղ կենտրոնացած են համապատասխանաբար m_1, m_2, \dots, m_n զանգվածներ, ապա այդ սիստեմի ծանրության կենտրոնի կոորդինատները կորոշվեն հետևյալ բանաձևերով՝

$$x = \frac{x_1 m_1 + x_2 m_2 + \dots + x_n m_n}{m_1 + m_2 + \dots + m_n}, \quad y = \frac{y_1 m_1 + y_2 m_2 + \dots + y_n m_n}{m_1 + m_2 + \dots + m_n};$$

30. Գտնել այն եռանկյան մակերեսը, որի գազաթիկերն են՝ $A(0, 1)$, $B(3, 4)$, $C(-1, -1)$:

31. Հաշվել այն քառանկյան մակերեսը, որի գազաթիկերն են՝ $A(-2, -3)$, $B(-1, 4)$, $C(3, 3)$ և $D(6, -1)$:

32. Իմանալ, գտնվում են արդյոք մեկ ուղիղի վրա $(2, 3)$, $(5, 7)$, $(11, 15)$ կետերը:

33. Որոշել P ուժի մեծությունը և ուղղությունը, գիտենալով, որ կոորդինատային առանցքների վրա նրա պրոյեկցիաները հավասար են՝ $P_x=5$, $P_y=12$:

34. Գտնել լարից պատրաստած եռանկյան ծանրության կենտրոնը, եթե եռանկյան գագաթներն են՝ $O(0, 0)$, $A(4, 0)$, $B(3, 4)$:

35. Համասեռ տախտակն ունի ուղղանկյուն սեղանի ձև, որի մեծ հիմքը հավասար է a -ի, փոքր հիմքը՝ b -ի, իսկ բարձրությունը h -ի: Գտնել նրա ծանրության կենտրոնի կոորդինատները (հաստությունը հաշվի չառնել):

36. Գտնել այն կետերի զեկարտյան կոորդինատները, որոնց բևեռային կոորդինատներն են՝

$$A\left(\sqrt{2}, \frac{\pi}{4}\right), \quad B\left(4, \frac{\pi}{3}\right),$$

$$C\left(4\sqrt{2}, \frac{3\pi}{4}\right), \quad D\left(2, -\frac{\pi}{6}\right), \quad E\left(-3, \frac{2\pi}{3}\right):$$

37. Գտնել այն կետերի բևեռային կոորդինատները, որոնց զեկարտյան կոորդինատներն են՝

$$A(3, -2), \quad B(-1, -1), \quad C(3, 0), \quad D(0, -4):$$

ԳԾԵՐ ԵՎ ՆՐԱՆՑ ՀԱՎԱՍԱՐՈՒՄՆԵՐԸ

§ 1. Տրված գծերի հավասարումները կազմելը: Նախորդ գլխում ցույց տրվեց, որ հարթութւյան յուրաքանչյուր կետին համապատասխանում է թվերի մի կարգավորված զույգ և, հակադարձաբար, թվերի յուրաքանչյուր կարգավորված զույգին համապատասխանում է հարթութւյան մի որոշակի կետ:

Այժմ ցույց տանք, որ հարթութւյան վրա գծերին համապատասխանում են հավասարումներ երկու փոփոխականներով: Գծերի և հավասարումների միջև հաստատվող այդ կապը հնարավորութւյուն կտա գծերի երկրաչափական հատկութւյունների ուսումնասիրութւյունը հանգեցնել նրանց համապատասխանող հավասարումների անալիտիկ հատկութւյունների հետազոտութւյանը:

Անալիտիկ երկրաչափութւյան մեջ ամեն մի գիծ ղիտարկում են որպես կետերի երկրաչափական տեղ: Գծի, որպես կետերի երկրաչափական տեղի, սահմանման մեջ պարունակվում է այն հատկութւյունը, որն ընդհանուր է նրա թուր կետերի համար: Այսպես, օրինակ, C կենտրոն և R շառավիղ ունեցող շրջանագիծը կարելի է ղիտել որպես հարթութւյան այնպիսի կետերի երկրաչափական տեղ, որոնք C կետից R հեռավորութւյան վրա են գտնվում: Այդ նշանակում է, որ շրջանագծի վրա գտնվող յուրաքանչյուր M կետի համար $MC=R$, իսկ եթե M կետը շրջանագծի վրա չի գտնւրվում, ապա նրա համար $MC \neq R$:

Հարթութւյան վրա վերցնենք մի որևէ գիծ, այդ հարթութւյան մեջ ընտրենք կոորդինատների ղեկարտյան սիստեմ և ղիտարկենք մեր վերցրած գծի ցանկացած կետը: Եթե այդ կետը շարժվի տրրված գծի վրայով, ապա նրա x և y կոորդինատները կփոփոխվեն, մնալով, սակայն, միմյանց հետ կապված մի որոշ պայմանով, որը բնութագրում է տված գծի կետերը: Այդպիսով, մենք x -ի և y -ի

միջև կստանանք մի որոշ առնչություն, որը տեղի կունենա միայն ա՛յն դեպքում, երբ կետը շարժվի տված գծի վրայով, և կխախտըվի՝, եթե կետը գծից դուրս գա:

Հետևաբար, հարթության վրա գծին համապատասխանում է մի որոշ հավասարում x և y երկու փոփոխականներով:

x և y փոփոխականների միջև այնպիսի հավասարումը, որին բավարարում են տրված գծի վրա գտնվող յուրաքանչյուր կետի կոորդինատներ և չեն բավարարում այդ գծի վրա չգտնվող և ո՛չ մի կետի կոորդինատներ, կոչվում է այդ գծի հավասարում:

Գծի կամայական կետի x և y կոորդինատները, որ մտնում են այդ հավասարման մեջ, կոչվում են ընթացիկ կոորդինատներ:

Դիտարկենք մի քանի պարզագույն օրինակներ տրված գծերի հավասարումները կազմելու վերաբերյալ:

Օրինակ 1. Գտնել $A(1, 2)$ և $B(-3, 4)$ կետերը միացնող հատվածի միջնուղղահայացի հավասարումը:

Այդ ուղիղը մենք դիտարկենք որպես A և B կետերից հավասարապես հեռացած կետերի երկրաչափական տեղ: Դիցուք $M(x, y)$ -ը կամայական կետ է այդ ուղիղի վրա: Այդպիսի բոլոր կետերի ընդհանուր հատկությունը կարտահայտի հետևյալ հավասարումը՝

$$AM=BM \quad (1)$$

(Իսկ եթե M -ը չգտնվի նշված ուղիղի վրա, ապա $AM \neq BM$): Ուղիղի հավասարումը կազմելու համար մնում է AM և BM հեռավորություններն արտահայտել M կետի կոորդինատներով և ստացված արտահայտությունները տեղադրել (1) հավասարության մեջ: Այդ ժամանակ՝

$$\sqrt{(x-1)^2+(y-2)^2} = \sqrt{(x+3)^2+(y-4)^2}:$$

Այս էլ հենց տված ուղիղի հավասարումն է: Նրա երկու մասերը քառակուսի բարձրացնելուց՝ և պարզեցումներից հետո կստանանք՝

$$2x-y+5=0:$$

Օրինակ 2. Կազմել R շառավիղ ունեցող շրջանագծի հավասարումը:

Կոորդինատային-առանցքներն ընտրենք կամայապես: Այդ դեպքում շրջանագծի C կենտրոնը կունենա որոշ a և b կոորդինատներ: Շրջանագծի M կամայական կետի կոորդինատները նշանակելով x և y , այդ բոլոր M կետերի համար ընդհանուր հատկությունն արտահայտենք անալիտիկորեն: Շրջանագծի սահմանումից հետևում է, որ M կետի հեռավորությունը C կենտրոնից (գծ. 27) հաստատուն մեծություն է և հավասար է R -ի, այսինքն՝

$$CM=R: \quad (2)$$

CM -ը որոշելով որպես C և M կետերի հեռավորություն (գլ. 1, § 5), մենք (2) հավասարությունը կարտահայտենք M կետի ընթացիկ կոորդինատների միջոցով, այն է՝

$$\sqrt{(x-a)^2+(y-b)^2} = R: \quad (2')$$


Այս հավասարումից երկու մասերը քառակուսի բարձրացնելով և արմատից ազատելով, շրջանագծի հավասարումը կստանանք հետևյալ վերջնական տեսքով՝

$$(x-a)^2+(y-b)^2=R^2: \quad (3)$$

Այս հավասարման մեջ a և b հաստատունները շրջանագծի կենտրոնի կոորդինատներն են, R -ը՝ շառավիղն է, իսկ x և y փոփոխականները շրջանագծի կամայական կետի կոորդինատներն են:

Մասնավորապես, երբ որպես կոորդինատների սկզբնակետ ընտրված է շրջանագծի կենտրոնը, կունենանք $a=b=0$, և (3) հավասարումն ավելի պարզ տեսք կընդունի՝

$$x^2+y^2=R^2:$$



Գծ. 27

§ 2. Հավասարումների երկրաչափական իմաստը: Մենք տեսանք, որ յուրաքանչյուր գիծ, որ դիտարկվում է որպես կետերի երկրաչափական տեղ, որոշվում է մի հավասարումով նրա կետերի կոորդինատների միջև: Հակադարձաբար, յուրաքանչյուր հավասարում x և y երկու փոփոխականների միջև, ընդհանրապես առած, որոշում է մի գիծ՝ որպես այնպիսի կետերի երկրաչափական տեղ, որոնց x և y կոորդինատները բավարարում են այդ հավասարմանը:

Իրոք, դիտարկենք մի որևէ հավասարում x և y փոփոխականների միջև: Նրա բոլոր անդամները տեղափոխելով ձախ մասը, հավասարումը կգրենք այսպիսի տեսքով՝

$$F(x, y)=0, \quad (4)$$

որտեղ F -ը երկու փոփոխականների ֆունկցիայի նշանն է: Դիցուք, օրինակ, x -ի յուրաքանչյուր տված թվային արժեքի դեպքում, (4) հավասարումը, որպես y անհայտի նկատմամբ գրված հավասարում, ունի երկու իրական արմատ: x փոփոխականին տանք $x=a$ կամայական թվային արժեքը և (4) հավասարումից գտնենք y -ի համապատասխան արժեքները: y -ը որոշելու համար ստանում ենք մեկ անհայտով հավասարում՝

$$F(a, y)=0: \quad (5)$$


Դիցուք այս հավասարումն ունի $y=b_1$ և $y=b_2$ արմատները: 28-րդ գծագրում նշենք M_1 և M_2 կետերը, որոնց (a, b_1) և (a, b_2) կոորդինատները բավարարում են տված (4) հավասարմանը:

Այժմ x փոփոխականին տանք մի այլ՝ $x=a'$ թվային արժեք և y -ի համապատասխան արժեքները որոշենք

$$F(a', y)=0 \quad (5')$$

հավասարումից: Թող այս հավասարման արժանիքները լինեն $y = b'_1$

և $y = b'_2$: Գծագրում նշենք M' և M'_2 կետերը, որոնց (a', b'_1) և (a', b'_2) կոորդինատները բավարարում են տված հավասարմանը: Եթե x փոփոխականը անընդհատ փոփոխենք a արժեքից մինչև a_1 արժեքը, ապա LN ուղիղն ինքն իրեն զուգահեռ կտեղափոխվի, ելնելով PQ դիրքից և հասնելով $P'Q'$ դիրքը, ընդ որում չորսաքանչյուր դիրքում նրա վրա կը-




Գծ. 28

գտնվեն երկու կետեր, որոնց կոորդինատները կբավարարեն տված (4) հավասարմանը: Այսպիսով, M և M' կետերը կգտնեն մի գիծ: Այդ գիծն ստացվում է որպես երկու շարժումների արդյունք. մի կողմից՝ LN ուղիղի ինքն իրեն զուգահեռ շարժվելու (x -ի փոփոխություն) մյուս կողմից՝ M և M' կետերի՝ այդ ուղիղի վրա շարժվելու (y -ի փոփոխություն) արդյունք:


Ուրեմն, x և y կոորդինատների միջև գրված (4) հավասարումը որոշում է մի գիծ՝ որպես այնպիսի կետերի երկրաչափական տեղ, որոնց կոորդինատները բավարարում են այդ հավասարմանը:

Դիտարկենք մի քանի օրինակներ իրենց հավասարումներով տրված գծերի կառուցման վերաբերյալ:

Օրինակ 1. Կառուցել այն գիծը, որը որոշվում է $x - y = 0$ հավասարումով:



Գծ. 29



x	y
-4	16
-3	9
-2	4
-1	1
0	0
1	1
2	4
3	9
4	16

Գծ. 30

Հավասարումը կարելի է արտագրել այսպես՝

$$y=x:$$

Ակներևորեն, այն կետերի երկրաչափական տեղը, որոնց համար արսցի-
սը հավասար է օրդինատին, իրենից ներկայացնում է I և III կոորդինատային
անկյունների AB կիսորդը (գծ. 29): Հետևաբար, $x-y=0$ հավասարումը
որոշում է նենց այդ կիսորդը:

Օրինակ 2. Կառուցել այն գիծը, որը որոշվում է $x+y=0$ հավասա-
րումով:

Հեշտ է տեսնել, որ այն կետերի երկրաչափական տեղը, որոնց հա-
մար $y=-x$, կլինի II և IV կոորդինատային անկյունների CD կիսորդը:
Հետևաբար, $x+y=0$ հավասարումը՝ այդ կիսորդի հավասարումն է (գծ. 29):

Օրինակ 3. Կառուցել այն գիծը, որը որոշվում է $x^2-y=0$ հավասա-
րումով:

Այս հավասարման կոորդինատներից մեկն արտահայտենք մյուսով, օրի-
նակ՝ y -ն արտահայտենք x -ով՝ $y=x^2$: x -ին տանք զանազան կամայական
արժեքներ, օրինակ՝ $-4, -3, -2, -1, 0, 1, 2, 3, 4$ և գտնենք y -ի համապա-
տասխան արժեքները: Այսպիսով, մենք կստանանք մի շարք կետեր: Այդ կե-
տերը նշենք ճարթուժյան վրա և անընդհատ գծով միացնենք (գծ. 30): Կըս-
տանանք որոնելի կորը:

Դիտարկենք նաև հավասարումների մի քանի հատուկ տե-
սակներ:

1) Հավասարումը կարող է պարունակել կոորդինատներից
միայն մեկը և, այնուամենայնիվ, որոշել մի որոշակի գիծ:

Դիցուք տված է $y-2=0$ կամ $y=2$ հավասարումը: Այն կե-
տերի երկրաչափական տեղը, որոնց օրդինատները հավասար են
2-ի, ակներևորեն կլինի այն ուղիղը, որը զուգահեռ է Ox առանց-
քին և վերջինից ունի 2 միավոր հեռավորություն:

Դրա նման, $x+1=0$ հավասարումը որոշում է մի ուղիղ, որը
զուգահեռ է Oy առանցքին և նրանից ունի -1 միավոր հեռավոր-
ություն:

2) Եթե $F(x, y)=0$ հավասարման ձախ մասը արտադրիչ-
ների է վերլուծվում, ապա յուրաքանչյուր արտադրիչն առանձին
հավասարեցնելով զրոյի, կստանանք մի քանի նոր հավասարում-
ներ, որոնցից ամեն մեկը կարող է որոշել մի գիծ: Օրինակ,
 $x^2-y^2=0$ կամ $(x+y)(x-y)=0$ հավասարումը վերածվում է եր-
կու հավասարումների՝ $x+y=0$ և $x-y=0$, որոնցից ամեն մեկը,
ինչպես վերևում տեսանք, մի ուղիղ գիծ է. դրանք կոորդինատա-
յին անկյունների կիսորդներն են:

3) Մասնավոր դեպքում կարող է պատահել, որ x և y կոոր-
դինատների միջև տված $F(x, y)=0$ հավասարումը որոշի այնպի-
սի երկրաչափական տեղ, որը բաղկացած է մեկ կամ մի քանի

առանձին կետերից: Այսպես, օրինակ, $x^2 + y^2 = 0$ հավասարումով որոշվում է միայն $O(0, 0)$ կետը, իսկ

$$(x^2 - 1)^2 + (y^2 - 4)^2 = 0$$

հավասարումով՝

$$(1, 2), (1, -2), (-1, 2), (-1, -2)$$

չորս կետերից բաղկացած երկրաչափական տեղը:

4) Կարող է վերջապես, պատահել, որ $F(x, y) = 0$ հավասարումը կետերի ոչ մի երկրաչափական տեղ չորոշի, այսինքն՝ ոչ մի կետի կոորդինատներ չբավարարեն այդ հավասարմանը: Այսպես, օրինակ՝

$$x^2 + y^2 + 1 = 0$$

հավասարումը չի բավարարվում x և y կոորդինատներին ոչ մի գույք իրական արժեքներով:

Եթե հավասարումը բավարարվում է, ինչպես վերջին օրինակում, միայն այն դեպքում, երբ x և y փոփոխականներից թեկուզ մեկը կեղծ արժեք ունի, ապա ասում են, որ այդպիսի հավասարմանը համապատասխանում է կետերի կեղծ տեղ:

§ 3. Երկու հիմնական խնդիր: 1 և 2 §-ներում շարադրվածից ծագում են հետևյալ երկու հիմնական խնդիրները:

I. Տրված է մի գիծ, որպես կետերի երկրաչափական տեղ: Կազմել այդ գծի հավասարումը:

II. Տրված է հավասարումը x և y կոորդինատների միջև: Կառուցել այդ հավասարումով որոշվող գիծը:

Հաջորդ գլխում մենք դիտարկելու ենք թե՛ մեկ և թե՛ մյուս խնդրի ընդհանուր լուծումը ուղիղ գծի համար:

§ 4. Երկու գծերի հատումը: Երկրաչափական շատ խնդիրների թվում ամենակարևորներից մեկը՝ տված երկու գծերի հատման կետերը գտնելու խնդիրն է: Դիցուք այդ գծերը որոշվում են հետևյալ հավասարումներով՝

$$f(x, y) = 0 \text{ և } \varphi(x, y) = 0:$$

Եթե գոյություն ունի դրանց հատման կետ, ապա նա, ակնհերձորեն, գտնվում է թե՛ մեկ և թե՛ մյուս գծի վրա: Հետևաբար, այդպիսի կետի կոորդինատները պետք է բավարարեն այդ հավասարումներից յուրաքանչյուրին: Հակադարձաբար, ամեն մի կետ, որի կոորդինատները բավարարում են այդ երկու հավասարումներին միաժամանակ, գտնվում է երկու կորի վրա էլ: Այստեղից հետևում է, որ տված երկու գծերի հատման կետերը գտնելու համար, պետք

է այդ գծերի հավասարումները միատեղ լուծել: Հավասարումների այդ սխառեմի յուրաքանչյուր իրական լուծումը կտա հատման մի կետ: Իսկ եթե պարզվի, որ հավասարումների այդ սխառեմը համատեղ սխառեմ չէ, կամ նրա բոլոր լուծումների մեջ x և y թրվերից թեկուզ մեկը կեղծ է, ապա այդ կնշանակի, որ տված գծերը չեն հատվում:

Օրինակ: Այս դրսի § 1-ում մենք արտածեցինք այն շրջանագծի հավասարումը, որի շառավիղը հավասար է R -ի և կենտրոնը գտնվում է կոորդինատների սկզբնակետում, այն է՝

$$x^2 + y^2 = R^2:$$

Եթե վերցնենք $R=5$, ապա այդ շրջանագծի հավասարումը կլինի՝

$$x^2 + y^2 = 25:$$

Նույն պարագրաֆի 1-ին օրինակում արտածեցինք մի ուղիղի հավասարում՝

$$2x - y + 5 = 0:$$

Փոնենք այս երկու գծերի հատման կետերը:

Ֆրա համար պետք է լուծել հետևյալ հավասարումների սխառեմը՝

$$x^2 + y^2 = 25,$$

$$2x - y + 5 = 0:$$

Վերջին հավասարումից ունենք՝

$$y = 2x + 5:$$

Տեղադրելով y -ի այս արտահայտությունը առաջին հավասարման մեջ, կստանանք՝

$$x^2 + (2x + 5)^2 = 25:$$

Պարզեցումից հետո կունենանք՝

$$x^2 + 4x = 0,$$

որտեղից՝

$$x_1 = 0 \text{ և } x_2 = -4:$$

x -ի այս արժեքները տեղադրելով y -ի համար գտած արտահայտության մեջ, կստանանք՝

$$y_1 = 5 \text{ և } y_2 = -3:$$

Հետևարար, տված գծերն ունեն հատման երկու կետ՝ $(0, 5)$ և $(-4, -3)$

§ 5. ՊՃԵՐԻ ԱՄԱՐԱՄԵՏՐԱԿԱՆ ՀԱՎԱՍԱՐՈՒՄՆԵՐԸ: Որոշ դեպքերում, գծի հավասարումը կազմելիս, ոչ թե ընթացիկ կոորդինատներն են միմյանց հետ կապում մեկ հավասարումով, այլ յուրաքանչյուր կոորդինատն առանձին արտահայտում են որպես նոր փոփոխականի, օրինակ՝ t -ի ֆունկցիա, ստանալով այսպիսի հավասարումներ՝

$$x = \varphi(t), \tag{6}$$

$$y = \psi(t):$$


Այս հավասարումները կազմում են այնպես, որ t -ի միևնույն արժեքին համապատասխանող X և Y արժեքները հանգիստանան տված գծի վրա գտնվող կետի կոորդինատներ: t -ն փոփոխելիս, փոփոխվում են նաև X , Y կոորդինատները, հետևաբար՝ նրանց համապատասխանող կետը շարժվում է տված գծի վրա: (6) հավասարումները կոչվում են գծի պարամետրական հավասարումներ, իսկ t -ն՝ փոփոխական պարամետր:

Եթե (6) հավասարումներից t պարամետրն արտաքսենք, կստանանք հավասարում X և Y կոորդինատների միջև՝ $F(X, Y) = 0$ տեսքով:

Օրինակ: Կազմենք R շառավիղ ունեցող այն շրջանագծի պարամետրական հավասարումները, որի կենտրոնը գտնվում է կոորդինատների սկզբնակետում (գծ. 31): Հեշտ է տեսնել, որ շրջանագծի կետի ընթացիկ կոորդինատներն այն φ անկյան ֆունկցիաներ են, որն այդ կետից տարված շառավիղը կազմում է OX առանցքի հետ: Հետևաբար, կարող ենք այդ φ անկյունն ընդունել որպես փոփոխական պարամետր և x , y ընթացիկ կոորդինատներն արտահայտել նրա միջոցով: Շրջանագծի վրա M կետի ամեն մի դիրքում տեղի կունենան հետևյալ հավասարությունները (գլ. I, § 9)՝

$$x = R \cos \varphi,$$

$$y = R \sin \varphi:$$



Գծ. 31

Հենց սրանք էլ կլինեն շրջանագծի պարամետրական հավասարումները: Եթե ցանկանանք, սրանցից կարելի է ստանալ շրջանագծի հավասարումը նախորդից մեզ հայտնի տեսքով: Դրա համար պետք է φ -ն արտաքսել: Հավասարումների երկու մասերը քառակուսի բարձրացնելով և գումարելով, կստանանք մեզ արդեն ծանոթ հավասարումը՝


$$x^2 + y^2 = R^2:$$

§ 6. Գծերի հավասարումները բեկեռային կոորդինատներով: Մենք դիտարկել ենք գծերի հավասարումները դեկարտյան կոորդինատներով, սակայն

կարելի է խոսել նաև գծերի՝ բեկեռային կոորդինատներով հավասարումների մասին: Կոորդինատների բեկեռային սխեմում գծի հավասարում մենք անվանելու ենք այնպիսի հավասարումը r և φ փոփոխականների միջև, որին բավարարում են տված գծին պատկանող ամեն մի կետի կոորդինատներ և որին չեն բավարարում այդ գծին չպատկանող և ոչ մի կետի կոորդինատներ: Դիտարկենք տված գծի հավասարումը բեկեռային կոորդինատներով գտնելու մի օրինակ:

Դիցուք պահանջվում է գտնել այն շրջանագծի հավասարումը, որն անցնում է բևեռով, ունի a շառավիղ և որի C կենտրոնը գրանցվում է բևեռային առանցքի վրա:

Շրջանագծի M կամայական կետն ուղիղ հատվածներով միացնենք O բևեռի և բևեռով անցնող տրամագծի D ծայրակետի հետ (գծ. 32): M կետի կոորդինատները կլինեն՝ φ անկյունը և OM հատվածի r երկարությունը: Հիշենք, որ շրջանագիծը իր տրամագծի վրա հենվող ուղիղ անկյունների գագաթների երկրաչափական տեղն է: Հետևաբար, OMD եռանկյունն ուղղանկյուն եռանկյուն է, ուստի և կտանանք՝



Գծ. 32

$$r = 2a \cos \varphi:$$

Հենց սա էլ շրջանագծի մեր որոնած հավասարումն է՝

Նկատենք, որ սված գծի հավասարման տեսքը կախված է բևեռի և բևեռային առանցքի ընտրությունից: Այսպես, եթե բևեռն ընտրենք a շառավիղ ունեցող շրջանագծի կենտրոնում, ապա շրջանագծի բոլոր կետերի (և միայն այդ կետերի) համար բևեռային շառավիղը կունենա միևնույն a արժեքը՝ $r = a$, այս հավասարումն էլ հենց կլինի այն շրջանագծի հավասարումը, որն ունի a շառավիղ և որի կենտրոնը գտնվում է բևեռում: Բևեռային φ անկյունը չի մտնում այս հավասարման մեջ, մնալով կամայական:

Գծի ձևն իր հավասարման օգնությամբ հետազոտելիս հաճախ է կարիք լինելու օգտվել բևեռային կոորդինատներից: Այդպես է հարմար ամեն անգամ, երբ գծի հավասարումը բևեռային կոորդինատներով ավելի պարզ է, քան դեկարտյան կոորդինատներով: Որպես օրինակ դիտարկենք երկու գիծ, որոնք կիրառություններում հաճախ են հանդիպում:

Օրինակ 1. Արքիմեդի սպիրալ (գալարագիծ) կոչվող գիծը բևեռային կոորդինատներով որոշվում է հետևյալ հավասարումով՝


$$r = a\varphi,$$

որտեղ a -ն դրական հաստատուն է: Այդ գիծը գծելու համար, φ -ին տանք

¹ Այս հավասարումն արտածելիս r -ը դրական ենք համարել: Սակայն, φ -ի որոշ արժեքների դեպքում հավասարումից r -ի համար կստացվեն նաև բացասական արժեքներ: Այնուամենայնիվ, հեշտությամբ կարելի է ստուգել, որ այդ դեպքում ևս ստացվող կետերը գտնվում են նույն շրջանագծի վրա:

կամայական արժեքներ և գտնենք r -ի համապատասխան արժեքները: Տված հավասարմանը բավարարող (r, φ) արժեքների ստորև բերված աղյուսակը ցույց է տալիս, որ երբ φ անկյունն աճում է $\frac{\pi}{2}$ տարբերություն ունեցող թվաբանական պրոգրեսիայով, r բևեռային շառավիղը նույնպես աճում է թվաբանական պրոգրեսիայով, որի տարբերությունը հավասար է $a \frac{\pi}{2}$ -ի: Բացի դրանից, նկատենք, որ այդ դժի զրական կոորդինատներ ունեցող յուրաքանչյուր (r, φ) կետին նույն գծի վրա համապատասխանում է $(-r, -\varphi)$ կետ, այսինքն՝ Արքիմեդի սպիրալը սիմետրիկ դասավորություն ունի բևեռով անցնող և բևեռային առանցքին ուղղահայաց ուղիղի նկատմամբ: Գծ. 33-ում

γ	r
0	0
$\frac{\pi}{2}$	$\frac{\pi}{2}a$
π	πa
$\frac{3}{2}\pi$	$\frac{3}{2}\pi a$
2π	$2\pi a$



Գծ. 33

անընդհատ գծով պատկերված է φ -ի զրական արժեքներին համապատասխանող ճյուղը, իսկ կետագծով՝ բացասական արժեքներին համապատասխանող ճյուղը: Օրինակ Չ. Բևեռային կոորդինատներով՝


$$r = ae^{k\varphi}$$

հավասարումով որոշվող դիժը, որտեղ a -ն և k -ն զրական հաստատուններ են, կոչվում է լոգարիթմական սպիրալ:

Այդ դիժը գծելու համար φ -ին կամայական արժեքներ տանք և հաշվենք r -ի համապատասխան արժեքները: Տված հավասարմանը բավարարող (r, φ) արժեքների ստորև բերված աղյուսակը ցույց է տալիս, որ երբ φ անկյունն աճում է $\frac{\pi}{2}$ տարբերություն ունեցող թվաբանական պրոգրեսիայով, r բևեռային շառավիղն այս անգամ աճում է երկրաչափական պրոգրեսիայով, որի հայտարարը հավասար է $e^{k \cdot \frac{\pi}{2}}$ -ի: Երբ φ անկյունն անվերջորեն աճում է, r -ը նույնպես անվերջորեն աճում է: Երբ φ անկյունը ձգտում է բացասական անվերջության, բևեռային շառավիղը ձգտում է զրոյի և կորն անսահմանորեն մոտենում է Օ բևեռին, փաթաթվելով նրա շուրջը: Այդ պատճառով Օ կետը կոչվում է լոգարիթմական սպիրալի ասիմպտոտական կետ (գծ. 34):

Երբեմն կարիք է լինում գծի ղեկարտյան կոորդինատներով տրված հավասարումից ստանալ նույն գծի հավասարումը բևեռա-

յին կոորդինատներով կամ ընդհակառակը: Այդպիսի դեպքերում պետք է օգտագործել դեկարտյան և բևեռային կոորդինատների կապն արտահայտող բանաձևերը (գլ. I, § 11):



φ	r
$-\pi$	$ae^{-i\pi}$
$-\frac{\pi}{2}$	$ae^{-i\pi/2}$
0	a
$\frac{\pi}{2}$	$ae^{i\pi/2}$
π	$ae^{i\pi}$

Գծ. 34

Օրինակ: Շրջանագծի

$$r=2a\cos\varphi$$

բևեռային կոորդինատներով հավասարումը գրել դեկարտյան կոորդինատներով:

r -ը և $\cos\varphi$ -ն արտահայտենք x -ով ու y -ով՝

$$r=\pm\sqrt{x^2+y^2}, \quad \cos\varphi=\frac{x}{r}=\frac{x}{\pm\sqrt{x^2+y^2}};$$

Այս արտահայտությունները տեղադրելով տված հավասարման մեջ, որոշ պարզեցումներից հետո կստանանք՝

$$x^2+y^2-2ax=0:$$

Վարժաբյուցներ

1*. Կառուցել $x^2y=4a^2(2a-y)$ հավասարումով տրված կորը: (Այս կորը կոչվում է Անյեզիի գանգուր):

2*. Կառուցել $r=10\sin 2\varphi$ հավասարումով տրված կորը: (Այս կորը կոչվում է քառաթերթ վարդ):

3. Կառուցել հետևյալ հավասարումներով տրված կորերը՝

$$\text{ա) } y=x^3, \quad \text{բ) } y=x^5, \quad \text{գ) } y=x^4,$$

$$\text{դ) } y=x^3+2, \quad \text{ե) } y=\frac{1}{2}x^4-5, \quad \text{զ) } y^2=x^3:$$

4. Կառուցել այն կորերը, որոնք բևեռային կոորդինատներով տրված են հետևյալ հավասարումներով՝

$$\text{ա) } r=a\sin 3\varphi, \quad \text{բ) } r=a\cos 3\varphi,$$

$$\text{գ) } r=a\cos 2\varphi, \quad \text{դ) } r=a(1-\cos \varphi):$$

5. Կառուցել այն կորերը, որոնք բևեռային կոորդինատներով տրված են հետևյալ հավասարումներով՝

ա) $r=2-\cos\varphi$, բ) $r=3-2\sin 2\varphi$, գ) $r=2-\sin 3\varphi$:


6. Կազմել այն կետերի երկրաչափական տեղի հավասարումը, որոնք հավասարապես են հեռացած կոորդինատների սկզբնակետից և $A(-5, 3)$ կետից:

7. Կազմել այն կետերի երկրաչափական տեղի հավասարումը, որոնք հավասարապես են հեռացած Ox առանցքից և $F(0, 4)$ կետից: Կառուցել այդ կորը:


8. Որոշել այն M կետի հետագիծը, որն այնպես է շարժվում, որ նրա հեռավորությունն $A(3, 0)$ կետից երկու անգամ փոքր է մնում $B(-6, 0)$ կետից ունեցած հեռավորությունից:

9. Որոշել այն M կետի հետագիծը, որն այնպես է շարժվում, որ նրա հեռավորությունն $F(-1, 0)$ կետից երկու անգամ փոքր է մնում $x=-4$ ուղիղից ունեցած հեռավորությունից:

10*. Գտնել այն կետերի երկրաչափական տեղի հավասարումը, որի՝ տված P և Q երկու կետերից ունեցած հեռավորությունների արտադրյալը հաստատուն մեծություն է և հավասար է m^2 -ու: P և Q կետերի միջև հեռավորությունը հավասար է $2n$ -ի: (Կետերի այս երկրաչափական տեղը կոչվում է Կասսինիի օվալ): Կառուցել այդ գիծը:



Գծ. 35




Գծ. 36

11*. Կասսինիի օվալը (տե՛ս նախորդ վարժությունը) $m = n$ դեպքում կոչվում է Բեռնուլիի լեմնիսկառ: Գտնել լեմնիսկառի հավասարումը՝ ա) զեկարտյան կոորդինատներով, բ) բևեռային կոորդինատներով: Կառուցել այդ կորը:


12. Տրված է Ox ուղիղը և նրանից a հեռավորության վրա գտնվող A կետը (գծ. 35): Եթե AB ուղիղը պտտվի A կետի շուրջը, ապա այդ ուղիղի վրա գտնվող այն M_1 և M_2 կետերը, որոնք AB ուղիղի և Ox հիմնական ուղիղի հատման B կետից ունեն տրված b հեռավորությունը, կգտնեն մի որոշ գիծ: Այդ գիծը կոչվում է Նիկոմեդի կոնխոիդ (կոնքակերպ): Գտնել կոնխոիդի հավասարումը և կառուցել այն՝ $a > b$, $a = b$ և $a < b$ դեպքերում:

13*. Տրված է Oy ուղիղը և նրանից a հեռավորության վրա գտնվող A կետը (գծ. 36): A կետի շուրջը պտտվում է AB ճառագայթը, որի վրա, ճառագայթի և Oy առանցքի հատման B կետի տարբեր կողմերում, վերցրած են M_1 և M_2 կետերն այնպես, որ BM_1 և BM_2 փոփոխական հատվածների երկարությունները միշտ հավասար լինեն OB -ին: M_1 և M_2 կետերի գծած կորը կոչվում է ստրոֆոիդ: Կազմել այդ կորի հավասարումը և կառուցել կորը:

14*. Տրված են $OD=2a$ տրամագիծ ունեցող շրջանագիծը և նրա DE շոշափողը (գծ. 37): D կետին տրամագծորեն հակադիր O կետից տարված է OE ճառագայթը և նրա վրա վերցրած է OP հատվածը՝ շրջանագծի և շոշափողի միջև գտնվող BE հատվածին հավասար: Երբ OE ճառագայթը պտտվի O կետի շուրջը, P կետը կգծի մի կոր, որը կոչվում է Գիոկլիեսի ցիսսոիդ: Գտնել այդ կորի հավասարումը և կառուցել կորը:



Գծ. 37



Գծ. 38

15*. Տրված է a շառավիղ ունեցող մի շրջանագիծ և նրա վրա O կետը (գծ. 38): Երբ OB ուղիղը պտտվի O կետի շուրջը, այդ ուղիղի վրա գտնվող և ուղիղի ու շրջանագծի հատման B կետից տրված m հեռավորությունը պահպանող M_1 և M_2 կետերը կգծեն մի կոր, որը կոչվում է Պասկալի խրխուճ: Գտնել այդ կորի հավասարումը բևեռային կոորդինատներով և կառուցել կորը՝ $m > 2a$, $m = 2a$ և $m < 2a$ դեպքերում:

16. Կադմել այն կետերի երկրաչափական տեղի հավասարումը, որոնք հավասարապես են հեռացած տված երկու կետերից:

17. Երկու ուղիղներ պտտվում են երկու անշարժ կետերի շուրջը, միշտ մնալով միմյանց ուղղահայաց: Գտնել նրանց հատման կետի գծած կորի հավասարումը:

18. M կետից R և r շառավիղներ ունեցող երկու շրջանագծերին տարված են հավասար երկարություն ունեցող շոշափողներ: Գտնել այդպիսի M կետերի երկրաչափական տեղի հավասարումը, եթե շրջանագծերի կենտրոնների միջև հեռավորությունը հավասար է $2d$ -ի:

19. $2a$ հաստատուն երկարություն ունեցող հատվածն իր ծայրերով սահում է ուղիղ անկյան կողմերի վրայով: Ուղիղ անկյան գագաթից այդ հատվածին իջեցրած է OM ուղղահայացը: Գտնել այդ ուղղահայացների հիմքերի երկրաչափական տեղի հավասարումը բևեռային կոորդինատներով և կառուցել կորը:

20. Գտնել այն կետերի երկրաչափական տեղի հավասարումը, որոնց տրված քառակուսու կողմերից ունեցած հեռավորությունների քառակուսիների գումարը հավասար է հաստատուն մեծության:

21. Ցիսսոիդի $x^3 = y^2(2a - x)$ հավասարումը զրել բևեռային կոորդինատներով:

1 Մասնավոր դեպքում, երբ $m = 2a$, այդ դիժը կոչվում է կարդիոիդ (սրտակերպ):

22. Հետևյալ կորերի հավասարումները գրել զեկարտյան կոորդինատներով՝

ա) $r = m + 2a \cos \varphi$ (Պասկալի խիսունջ),

բ) $r = a \sin 2\varphi$ (քառաթեթ վարդ):

23*. a շառավիղ ունեցող շրջանը զլորվում է արսցիսների առանցքի վրայով: Շրջանագծի այն կետը, որը շրջանի սկզբնական դիրքի ժամանակ գտնվում էր կոորդինատների սկզբնակետում, շրջանը զլորվելիս գծում է մի կոր (ցիկլոիդ): Գտնել այդ կորի պարամետրական հավասարումները:

24. Մարմինը v արագությամբ նետված է դեպի վեր՝ հորիզոնի նկատմամբ α անկյան տակ: Օդի դիմադրությունը հաշվի չառնելով, գտնել մարմնի հետագծի պարամետրական հավասարումները (որպես պարամետր ընդունել ժամանակը):

Ո Ի Ղ Ի Ղ Գ Ի Ծ

§ 1. Ուղիղի անկյունային գործակիցը: Նախորդ գլխում ցույց տրվեց, որ հարթութւյան վրա ընտրելով կոորդինատներ ձի որոշ սիստեմ, մենք կարող ենք տրված գծի կետերը բնութոշող երկրաչափական հատկութիւնն անալիտիկորեն արտահայտել ձի հավասարումով ընթացիկ կոորդինատների միջև: Այդպիսով, մենք ստանում ենք գծի հավասարումը: Ներկա գլխում մենք դիտարկելու ենք ուղիղ գծերի հավասարումները:

Ուղիղի հավասարումը դեկարտյան կոորդինատներով կազմելու համար հարկավոր է որևէ կերպ տալ այն պայմանները, որոնք որոշում են ուղիղի դիրքը կոորդինատային սիստեմի նկատմամբ:

Նախապես մենք մտածենք ուղիղի անկյունային գործակցի գաղափարը՝ որը հարթութւյան վրա ուղիղի դիրքը որոշող մեծութիւններից մեկն է:


ՕX առանցքի նկատմամբ ուղիղի թեքման անկյուն մենք այն անկյունը, որով պետք է ՕX առանցքը պտտել, որպեսզի նա համընկնի տված ուղիղի հետ (կամ նրան զուգահեռ դառնա): Ինչպես սովորաբար, անկյունը դիտարկելիս հաշվի ենք առնելու նրա նշանը (նշանը որոշվում է պտտման ուղղութիւյամբ, նայած թե ժամացույցի սլաքի հակառակ ուղղութիւյամբ է պտտվում, թե՞ սլաքի ուղղութիւյամբ): Քանի որ ՕX առանցքի լրացուցիչ պտույտը 180° -ով նորից կհամատեղի նրան տված ուղիղի հետ, ուստի ուղիղի թեքման անկյունը ՕX առանցքի նկատմամբ կարող է միարժեքորեն չընտրվել (կընտրվի π -ին բազմապատիկ գումարելիի ճշգրտութիւյամբ):

Ուղիղի՝ ՕX առանցքի նկատմամբ թեքման անկյան տանգենսը կոչվում է ուղիղի անկյունային գործակից:


Քանի որ անկյունը π -ով փոփոխելիս նրա տանգենսը չի փո-

փոխվում, հետևաբար, ուղիղի անկյունային գործակիցը որոշվում է միարժեքորեն:

Անկյունային գործակիցը բնորոշում է ուղիղի ուղղութիւնը (մենք այստեղ իրարից չենք տարբերում ուղիղի երկու միմյանց հակադիր ուղղութիւնները): Եթե ուղիղի անկյունային գործակիցը հավասար է զրոյի, ապա ուղիղը զուգահեռ է արսցիսների առանցքին: Մենք պայմանավորվենք միշտ դիտարկել ուղիղի թեքման անկյան փոքրագույն դրական արժեքը: Այդ դեպքում, եթե անկյունային գործակիցը դրական է, ապա թեքման անկյունը սուր կլինի (գծ. 39). Ընդ որում անկյունային գործակիցը մեծանալիս մեծանում է նաև թեքման անկյունը: Իսկ եթե անկյունային գոր-



Գծ. 39



Գծ. 40

ծակիցը բացասական է, ապա թեքման անկյունը բույթ կլինի (գծ. 40): Նկատենք, որ Ox առանցքին ուղղահայաց ուղիղը անկյունային գործակից չունի, քանի որ ուղիղ անկյան տանգենս գոյութիւն չունի:

§ 2. Գուրգ գծի հավասարումն անկյունային գործակցով:
Դիտարկենք այնպիսի ուղիղ, որը զուգահեռ չէ օրդինատների առանցքին: Նրա դիրքը հարթութիւն վրա լիովին որոշ կլինի, եթե տրրված լինեն ուղիղի թեքման անկյունն արսցիսների առանցքի նրկատամբ և օրդինատների առանցքի վրա ուղիղի կտրած հատվածի մեծութիւնը, այսինքն՝ օրդինատների առանցքի վրա ուղղութիւնը օժտված այն հատվածի մեծութիւնը, որի սկիզբը գտնվում է կոորդինատների սկզբնակետում, իսկ ծայրը՝ ուղիղի և Oy առանցքի հատման կետում:

Ուղիղի թեքման անկյունն Ox առանցքի նկատմամբ նշանակենք φ , իսկ Oy առանցքից ուղիղի կտրած \overline{OB} հատվածի մեծութիւնը՝ b : Դիցուք $M(x, y)$ -ը կամայական կետ է ուղիղի վրա, (գծ. 41): Երբ M կետը շարժվում է տված ուղիղի վրա, նրա x և y կոորդինատները, փոփոխվելով հանդերձ, միշտ միմյանց հետ

կապված են մնում մի որոշ պայմանով: Տեսնենք, թե ո՞րն է այդ պայմանը:

Դիտարկենք \overline{BM} ուղղությամբ օժտված հատվածը: Գիտենալով նրա սկզբի և ծայրի կոորդինատները՝

$$B(0, b), \quad M(x, y),$$

կարող ենք գտնել նրա պրոյեկցիաները կոորդինատային առանցքների վրա (գլ. 1, § 9)՝

$$\text{պր}_x \overline{BM} = x, \quad \text{պր}_y \overline{BM} = y - b:$$

Այդ դեպքում, 1 գլ. § 9-ի (16) բանաձևի համաձայն՝

$$\operatorname{tg} \varphi = \frac{y - b}{x},$$

որտեղից՝

$$y - b = x \operatorname{tg} \varphi, \quad \text{կամ} \quad y = x \operatorname{tg} \varphi + b:$$

Նշանակելով $\operatorname{tg} \varphi = k$, վերջնականապես կստանանք՝

$$y = kx + b: \quad (1)$$


Այս հավասարմանը բավարարում են միայն դիտարկվող ուղիղի կետերի կոորդինատները, այն կխախտվի, եթե կետը չգտնվի այդ ուղիղի վրա: Այսպիսով, ստացված (1) հավասարումը տված ուղիղի հավասարումն է:

Ուղիղի (1) տեսքի հավասարումը կոչվում է ուղիղի հավասարում անկյունային գործակցով:


(1) հավասարումն ստանալիս մենք ենթադրեցինք, որ ուղիղը զուգահեռ չէ Oy առանցքին: Այժմ տեսնենք, թե ինչպիսի հավասարում կունենա

Oy առանցքին զուգահեռ ուղիղը: Դիցուք a -ն՝ այդ ուղիղի և Ox առանցքի հատման կետի արացիսն է (գծ. 42): Ակնհերև է, որ այդ ուղիղի ամեն մի կետի արացիս հավասար է a -ի, իսկ եթե կետը չի գտնվում այդ ուղիղի վրա, այդպես նրա արացիսն a -ից տարբեր է: Հետևաբար՝ այդ ուղիղն ունի հետևյալ հավասարումը՝

$$x = a: \quad (2)$$



Գծ. 41



Գծ. 42


Այսպես, ուրեմն, եթե տված ուղիղը զուգահեռ չէ Oy առանցքին, նրա հավասարումը կարելի է գրել (1) տեսքով, իսկ եթե ուղիղը զուգահեռ է Oy առանցքին, ապա նրա հավասարումը կարելի է գրել (2) տեսքով: Քանի որ (1) և (2) հավասարումները x և y փոփոխականների նկատմամբ առաջին աստիճանի են, ապա մենք դրանով ապացուցեցինք, որ կոորդինատների դեկարտյան սիստեմում յուրաքանչյուր ուղիղ կարելի է ներկայացնել առաջին աստիճանի հավասարումով:

Մասնավորապես, եթե ուղիղն անցնում է կոորդինատների սկզբնակետով, ապա $b=0$ և այդպիսի ուղիղի հավասարումը հետևյալ տեսքը կունենա՝

$$y=kx: \quad (3)$$

Եթե ուղիղը զուգահեռ է Ox առանցքին, նրա անկյունային գործակիցը՝ $k=0$ և այդպիսի ուղիղի հավասարումը կունենա հետևյալ տեսքը՝

$$y=b: \quad (4)$$



Գծ. 43

Օրինակ: Կազմել այն ուղիղի հավասարումը, որն արտցիսների առանցքի նկատմամբ թեքված է 45° անկյան տակ և օրդինատների առանցքից կտրում է -2 մեծություն ունեցող հատված:

Այստեղ՝ $k=\operatorname{tg} 45^\circ=1$ և $b=-2$: Հետևաբար, ուղիղի հավասարումը կլինի՝

$$y=x-2:$$

§ 3. Երկու փոփոխականների միջև առաջին աստիճանի հավասարման երկրաչափական իմաստը: Նախորդ պարագրաֆում ցույց տրվեց, որ կոորդինատների դեկարտյան սիստեմում յուրաքանչյուր ուղիղ կարող է ներկայացվել առաջին աստիճանի հավասարումով: Այժմ բնական կլինի հակադարձ հարցը դնել՝ արդյո՞ք ամեն մի առաջին աստիճանի հավասարում x և y փոփոխականների նկատմամբ ուղիղ գիծ է որոշում: Այս հարցին պատասխանելու համար դիտարկենք առաջին աստիճանի հավասարումը ընդհանուր տեսքով և պարզենք, թե ինչպիսին է հարթության այն կետերի երկրաչափական տեղը, որոնց (x, y) կոորդինատները բավարարում են այդ հավասարմանը: Ցույց տանք, որ այդ կետերի երկրաչափական տեղն ուղիղ գիծ է:

x -ի և y -ի նկատմամբ առաջին աստիճանի ընդհանուր հավասարումն ունի հետևյալ տեսքը՝

$$Ax + By + C = 0: \quad (5)$$

Այստեղ A -ն, B -ն, C -ն ցանկացած թվեր են, ընդ որում, փոփոխականների A և B գործակիցները, իհարկե, միաժամանակ զրո լինել չեն կարող (այլապես (5) հավասարումն այդ դեպքում x և y փոփոխականներ չէր պարունակի և հավասարում չէր լինի):

Ենթադրելով, որ $B \neq 0$, (5) հավասարումը լուծենք y -ի նրկատամբ, կստանանք՝

$$y = -\frac{A}{B}x - \frac{C}{B},$$

կամ, նշանակելով՝ $-\frac{A}{B} = k$, $-\frac{C}{B} = b$, կունենանք՝

$$y = kx + b: \quad (1)$$

Բայց մենք նախորդ պարագրաֆում արդեն տեսանք, որ (1) հավասարումը պատկերում է մի ուղիղ գիծ, որն ունի k անկյունային գործակից և օրդինատների առանցքից կտրում է b մեծությամբ հատված:

Մենք ենթադրեցինք, որ $B \neq 0$, իսկ եթե $B = 0$, ապա (5) հավասարումը կստանա հետևյալ տեսքը՝

$$Ax + C = 0:$$

Քանի որ $A \neq 0$, ապա այս հավասարումը լուծելով x -ի նրկատամբ, կստանանք՝

$$x = -\frac{C}{A},$$

կամ, նշանակելով՝ $-\frac{C}{A} = a$, կգրենք՝

$$x = a: \quad (2)$$

Սակայն մենք արդեն տեսել ենք (§ 1), որ (2)-ը Oy առանցքին զուգահեռ ուղիղի հավասարում է:

Այսպիսով, ներկա պարագրաֆի սկզբում դրված հարցը լուծվեց. մենք ցույց տվեցինք, որ բերացիկ կոորդինատների նկատմամբ առաջին աստիճանի յուրաքանչյուր հավասարում որոշում է ուղիղ գիծ: Սրան համապատասխան, (5) հավասարումը կոչվում է ուղիղի բնդհանուր հավասարում:

Այս գլխի § 1-ում և § 2-ում շարադրվածն ամփոփելով, կարող ենք ասել, որ ուղիղ գիծը և միայն ուղիղ գիծը կարող է կոորդինատների դեկարտյան սիստեմում ներկայացվել առաջին

աստիճանի հավասարումով X և Y ընթացիկ կոորդինատների նկատմամբ:

Դիտողութուն: Առաջին աստիճանի (5) ընդհանուր հավասարումը (1) տեսքին բերելու համար, պետք է այն լուծել Y -ի նկատմամբ: Այդ դեպքում X -ի մոտ ստացվող գործաչիցը կլինի ուղիղի անկյունային գործաչիցը, իսկ ազատ անդամը՝ օրդինատների առանցքից ուղիղի կտրած հատվածի մեծությունը: Ուղիղի հավասարումն այդ տեսքով առանձնապես կարևոր է: Վերը շարազերվածից հետևում է, որ X -ի գծային ֆունկցիայի (այսինքն՝ X -ի նկատմամբ առաջին աստիճանի բազմանդամի) գրաֆիկն ուղիղ գիծ է, ինչպես և, հակադարձաբար, եթե X -ի մի որևէ ֆունկցիայի գրաֆիկն ուղիղ գիծ է, ապա այդ ֆունկցիան կարելի է գրել X -ի նկատմամբ առաջին աստիճանի բազմանդամի տեսքով: Այստեղից է ծագում գծային («ուղղագիծ») ֆունկցիա անունը:

Օրինակ: Ուղիղ գիծը տված է $2x+3y+7=0$ հավասարումով: Գրել նրա հավասարումն անկյունային գործաչիցով:

Տված հավասարումն y -ի նկատմամբ լուծելով, կստանանք՝

$$y = -\frac{2}{3}x - \frac{7}{3}$$

Այստեղից երևում է, որ ուղիղի անկյունային գործաչիցը՝ $k = -\frac{2}{3}$, իսկ՝

օրդինատների առանցքից կտրած հատվածի մեծությունը՝ $b = -\frac{7}{3}$:

4. $Ax + By + C = 0$ առաջին աստիճանի ընդհանուր հավասարման հետազոտումը: Ինչպես մենք տեսանք, առաջին աստիճանի

$$Ax + By + C = 0 \quad (5)$$

ընդհանուր հավասարումը որոշում է ուղիղ գիծ: Տեսնենք, թե այդ ուղիղը կոորդինատային առանցքների նկատմամբ ինչպիսի՞ դիրք է գրավում, երբ (5) հավասարման մեկ կամ երկու գործաչիցը զրո են դառնում:

1. $C = 0$: Այս դեպքում (5) հավասարումն ընդունում է հետևյալ տեսքը՝

$$Ax + By = 0$$

և որոշում է կոորդինատների սկզբնակետով անցնող ուղիղ, քանի որ բավարարվում է $x = y = 0$ արժեքներով:

2. $A = 0$: Այս դեպքում (5) հավասարումն ընդունում է հետևյալ տեսքը՝

$$By + C = 0,$$

կամ, նշանակելով՝ $-\frac{C}{B} = b$, հետևյալ տեսքը՝

$$y=b:$$

Այսպիսի ուղիղի բոլոր կետերի համար օրդինատը հաստատուն արժեք ունի, այսինքն՝ ուղիղը զուգահեռ է Ox առանցքին և գտնվում է նրանից $|b|$ հեռավորության վրա. Ox առանցքից վերև, եթե $b > 0$, և ներքև, եթե $b < 0$:

3. $B=0$: Այս դեպքում (5) հավասարումն ընդունում է հետևյալ տեսքը՝

$$Ax + C = 0:$$

կամ, նշանակելով $-\frac{C}{A} = a$, հետևյալ տեսքը՝

$$x = a$$

և որոշում է Oy առանցքին զուգահեռ ուղիղ:

4. $C=0, B=0$: Այս դեպքում (5) հավասարումն ընդունում է հետևյալ տեսքը՝

$$Ax = 0,$$

կամ՝

$$x = 0:$$

Ուղիղը համընկնում է Oy առանցքի հետ:

5. $C=0, A=0$: Այս դեպքում (5) հավասարումը բերվում է

$$y = 0$$

տեսքի: Ուղիղը համընկնում է Ox առանցքի հետ:

§ 5. Ուղիղ գծի հավասարումը հասվածներով: Մենք արդեն ասել ենք, որ կոորդինատային առանցքների նկատմամբ ուղիղ գծի դիրքը կարելի է որոշել տարբեր եղանակներով: Ուղիղի դիրքը որոշող տվյալներից կախված մենք նրա հավասարումը կստանանք տարբեր ձևերով:

Դիտարկենք մի ուղիղ, որը հատում է երկու կոորդինատային առանցքներն էլ և չի անցնում կոորդինատների սկզբնակետով: Ուղիղի դիրքը կարելի է որոշել, եթե տրվեն Ox և Oy առանցքներից ուղիղի կտրած հատվածների a և b մեծությունները (գծ. 43-ում $a = \text{մեծ } \overline{OM}$, $b = \text{մեծ } \overline{ON}$): Գտնենք այդ ուղիղի հավասարումը:

Այդպիսի ուղիղի հավասարումը կարելի է գրել ընդհանուր տեսքով՝

$$Ax + By + C = 0, \quad (5)$$

որտեղ A, B, C գործակիցներից ոչ մեկը զրոյի հավասար չէ: Մը-

նում է գտնել այդ գործակիցները, այսինքն՝ դրանք արտահայտել տված a և b թվերի միջոցով:

Քանի որ $M(a, 0)$ կետը գտնվում է տված ուղիղի վրա, ուստի նրա կոորդինատները բավարարում են (5) հավասարմանը՝

$$Aa + C = 0,$$

որտեղից՝

$$A = -\frac{C}{a} \quad (6)$$

Նման ձևով, $N(0, b)$ կետի կոորդինատները ևս պիտի բավարարեն (5) հավասարմանը, որը կտա՝

$$Bb + C = 0,$$

որտեղից՝

$$B = -\frac{C}{b} \quad (7)$$

A -ի և B -ի արժեքները (6)-ից և (7)-ից տեղադրելով ուղիղի (5) հավասարման մեջ, կստանանք՝

$$-C \frac{x}{a} - C \frac{y}{b} + C = 0:$$

Հավասարման երկու մասերը բաժանելով C -ի վրա (պայմանի համաձայն $C \neq 0$), կգտնենք՝

$$-\frac{x}{a} - \frac{y}{b} + 1 = 0,$$

կամ՝

$$\frac{x}{a} + \frac{y}{b} = 1: \quad (8)$$

Ուղիղի (8) տեսքի հավասարումը կոչվում է ուղիղի հավասարում հատվածներով:

Օրինակ: Ուղիղի $2x - 3y + 2 = 0$ հավասարումը գրել հատվածներով:

Քանի որ $(a, 0)$ կետը գտնվում է այդ ուղիղի վրա, ապա նրա կոորդինատները բավարարում են ուղիղի հավասարմանը: Հետևաբար՝

$$2a + 2 = 0, \text{ որտեղից՝ } a = -1:$$

Նման ձևով, հավասարման մեջ տեղադրելով $(0, b)$ կետի կոորդինատները, կգտնենք՝

$$-3b + 2 = 0, \text{ որտեղից՝ } b = \frac{2}{3}:$$

Ուրեմն, ուղիղի հավասարումը հատվածներով կլինի՝

$$\frac{x}{-1} + \frac{y}{\frac{2}{3}} = 1, \quad (8')$$

Այս (8') հավասարումը կարելի է ստանալ նաև տրված հավասարումը հանրահաշվական ձևափոխութիւնների ենթարկելով: Իրոք, տված հավասարման ազատ անդամը տեղափոխելով աջ մասը, կստանանք՝

$$2x - 3y = -2:$$

Հավասարութեան երկու մասերը բաժանենք -2 -ի, կունենանք՝

$$-\frac{2x}{2} + \frac{3y}{2} = 1:$$

Այժմ կարելի է այս հավասարումը գրել (8) տեսքով՝

$$\frac{x}{-1} + \frac{y}{\frac{2}{3}} = 1:$$

§ 6. Ուղիղի կառուցումը տրված հավասարումով: Ուղիղ գիծը կառուցելու համար բավական է դժագրի վրա նշել նրա որևէ երկու կետ: Ուղիղի վրա գտնվող որևէ կետի կոորդինատները գտնելու համար, կոորդինատներից մեկին տալիս ենք կամայական արժեք և ուղիղի հավասարումից գտնում մյուս կոորդինատի համապատասխան արժեքը:

Օրինակ 1. Տված է ուղիղի հավասարումը՝

$$2x - y - 3 = 0:$$


Կառուցել ուղիղը:

Հավասարման մեջ դնենք, օրինակ, $x=1$. այդ դեպքում $2 - y - 3 = 0$, որտեղից՝ $y = -1$: Հետևաբար, $K(1, -1)$ կետը գտնվում է ուղիղի վրա: Այնուհետև, ընդունելով, օրինակ, $x = -1$, կգտնենք $M(-1, -5)$ կետը, որը նույնպես գտնվում է ուղիղի վրա: Պատժ երկու կետերով լիսովին սրտզվում է ուղիղը (գծ. 44):

Օրինակ 2. Կառուցել $2x + 3y = 0$ ուղիղը:

Քանի որ հավասարման մեջ ազատ անդամը բացակայում է, ուրեմն նրանով որոշվող ուղիղն անցնում է կոորդինատների սկզբնակետով: Մընում է գտնել մի երկրորդ կետ, սկզբնակետից տարրեր: Իրա համար հավասարման մեջ դնենք, օրինակ, $x=1$. այդ դեպքում $2 + 3y = 0$, որտեղից՝ $y = -\frac{2}{3}$: Հետևաբար, $\left(1, -\frac{2}{3}\right)$ կետը գտնվում է ուղիղի վրա: Մնում է ուղիղ անցկացնել այդ կետով և կոորդինատների սկզբնակետով:

Դիտողութիւն: Գործնականում ուղիղը կառուցելիս հար-



Գծ. 44

մար է օգտագործել հատվածներով տված հավասարումը, կամ գտնել ուղիղի համարան կետերը կոորդինատային առանցքների հետ (որի համար հավասարման մեջ պետք է դնել $x=0$ և գտնել b -ն, ապա դնել $y=0$ և գտնել a -ն):


§ 7. Երկու ուղիղներով կազմված անկյունը: Դիցուք տված են երկու ուղիղներ՝ (I) և (II): Այդ ուղիղները դիտարկելով նշված դասավորությամբ, նրանցով կազմված անկյունն ասելով հասկանում ենք այն անկյունը, որով պետք է պտտել (I) ուղիղը, որպեսզի այն համընկնի (II) ուղիղի հետ (կամ նրան զուգահեռ դառնա): Անկյան նշանը որոշվում է սովորական կանոնով: Քանի որ լրացուցիչ կերպով π անկյունով պտտելու հետևանքով ուղիղը նորից կգրավի իր սկզբնական դիրքը, ապա պարզ է, որ (I) և (II) ուղիղներով կազմված անկյունը միարժեքորեն չի որոշվի (այլ π -ի բազմապատիկ գումարելիի ճշգրտությամբ): Անկյան արժեքներից մեկը միշտ կարելի է այնպես ընտրել, որպեսզի նա լինի ոչ բացասական և π -ից փոքր: Գործնականում անկյան հենց այդ արժեքն էլ սովորաբար նկատի են ունենում:

Դիցուք (I) և (II) ուղիղների հավասարումները տված են անկյունային դորժակիցներով՝

$$y = k_1x + b_1, \quad (I)$$

$$y = k_2x + b_2: \quad (II)$$

(I) և (II) ուղիղների թեքման անկյուններն Ox առանցքի նկատմամբ նշանակենք համապատասխանորեն φ_1 և φ_2 , իսկ (I) և (II) ուղիղներով կազմված անկյունը՝ θ :



Գծ. 45

Այդ դեպքում, ակներևորեն, կունենանք (գծ. 45)՝

$$\varphi_1 + \theta = \varphi_2,$$

որտեղից՝

$$\theta = \varphi_2 - \varphi_1:$$

Եթե (I) և (II) ուղիղներն ուղղահայաց չեն, ապա, երկրաչափության հայտնի բանաձևի համաձայն՝

$$\operatorname{tg} \theta = \operatorname{tg}(\varphi_2 - \varphi_1) = \frac{\operatorname{tg} \varphi_2 - \operatorname{tg} \varphi_1}{1 + \operatorname{tg} \varphi_2 \operatorname{tg} \varphi_1}$$

Նկատելով, որ $\operatorname{tg} \varphi_1 = k_1$ և $\operatorname{tg} \varphi_2 = k_2$, կստանանք՝

$$\operatorname{tg}\theta = \frac{k_2 - k_1}{1 + k_1 k_2}, \quad (9)$$

Դիտողութուն 1. (9) բանաձևը որոշում է այն անկյան տանգենսը, որն առաջանում է K_1 անկյունային գործակից ունեցող ուղիղն M կետի շուրջը պտտելով՝ մինչև նրա համընկնելը K_2 անկյունային գործակից ունեցող ուղիղի հետ: Այդ կարելի է հիշել, բանաձևը գրելով այսպես՝

$$\operatorname{tg}\theta = \frac{k_2 - k_1}{1 + k_1 k_2},$$

Դիտողութուն 2. Եթե խոսքը երկու ուղիղներով կազմաված անկյան մասին է և չի նշվում ուղիղների դասավորությունը մեկը մյուսի նկատմամբ, ապա կամայապես կարելի է որոշել նրանց դասավորությունը: Ակներևորեն, ուղիղների դասավորությունը փոխելիս կփոփոխվի անկյան տանգենսի նշանը:

Դիտողութուն 3. Եթե ուղիղներից թեկուզ մեկը զուգահեռ է Oy առանցքին, ապա (9) բանաձևն իմաստ չունի: Այդպիսի դեպքում, ընդունելով, օրինակ, որ Oy առանցքին զուգահեռ է երկրորդ ուղիղը, երկու ուղիղներով կազմված անկյունը կորոշենք հետևյալ բանաձևով՝

$$\theta = \frac{\pi}{2} - \varphi_1:$$

Օրինակ 1. Գտնել $y = 2x - 3$ և $3x + y - 2 = 0$ ուղիղներով կազմված անկյունը:

Եթե ուղիղները համարակալենք նույն կարգով, ինչ կարգով նրանց հավասարումները գրված են, այդ դեպքում (I) ուղիղի համար անկյունային գործակիցը կլինի՝ $k_1 = 2$, իսկ (II) ուղիղի համար՝ $k_2 = -3$: Այժմ (9) բանաձևով կստանանք՝

$$\operatorname{tg}\theta = \frac{-3 - 2}{1 - 2 \cdot 3} = 1, \text{ որակցից՝ } \theta = 45^\circ:$$

Օրինակ 2. Գտնել հետևյալ ուղիղներով կազմված անկյունը՝

$$x - 2y + 3 = 0 \text{ և } x - 3 = 0:$$

Այստեղ $\varphi_2 = \frac{\pi}{2}$: Առաջին ուղիղի անկյունային գործակիցը հավասար է

$\frac{1}{2}$ -ի, իսկ նրա թեքման անկյունը (Ox առանցքի նկատմամբ) հավասար է

$\varphi_1 = \operatorname{arc}\operatorname{tg}\frac{1}{2}$: Համաձայն 3-րդ դիտողության՝

$$\theta = \frac{\pi}{2} - \operatorname{arc}\operatorname{tg}\frac{1}{2}:$$

§ 8. Երկու ուղիղների զուգահեռության և ուղղահայացության պայմանները: Ուղիղները զուգահեռ են $ա'յն$ և $միայն այն դեպքում$, երբ Ox առանցքի նկատմամբ նրանց թեքման անկյունների տանգենսները հավասար են՝

$$\operatorname{tg} \varphi_1 = \operatorname{tg} \varphi_2,$$

կամ՝

$$k_1 = k_2: \quad (10)$$

Այսպիսով, ուղիղների զուգահեռության անհրաժեշտ և բավարար պայմանը նրանց անկյունային գործակիցների հավասարությունն է:

Երկու ուղիղների զուգահեռության պայմանը կարելի է նաև ուղղակի (9) բանաձևից ստանալ:

Ուղիղների ուղղահայացության դեպքում (և միայն այդ դեպքում) կարելի է համարել՝

$$\varphi_2 - \varphi_1 = \frac{\pi}{2}:$$

Այստեղից հետևում է, որ՝

$$\varphi_2 = \varphi_1 + \frac{\pi}{2},$$

կամ՝

$$\operatorname{tg} \varphi_2 = \operatorname{tg} \left(\varphi_1 + \frac{\pi}{2} \right) = -\operatorname{cot} \varphi_1,$$

որտեղից՝

$$\operatorname{tg} \varphi_1 \operatorname{tg} \varphi_2 = -1,$$

կամ, վերջնականապես՝

$$k_1 k_2 = -1: \quad (11)$$

Այսպիսով, երկու ուղիղների ուղղահայացության անհրաժեշտ և բավարար պայմանն այն է, երբ նրանց անկյունային գործակիցների արտադրյալը հավասար լինի -1 -ի:

Օրինակ 1. Հետևյալ ուղիղները՝

$$2x - 3y + 1 = 0 \text{ և } 4x - 6y - 5 = 0$$

զուգահեռ են: Իսկապես, այդ ուղիղների անկյունային գործակիցները կլինեն՝

$$k_1 = \frac{2}{3}, \quad k_2 = \frac{4}{6} = \frac{2}{3}, \text{ ուրեմն՝ } k_1 = k_2, \text{ այսինքն՝ տեղի ունի զուգահեռության պայմանը:}$$

Օրինակ 2. k գործակցի ինչպիսի՞ արժեքի դեպքում $y = kx + 1$ հավասարումը կորոշի այնպիսի ուղիղ, որն ուղղահայաց լինի $y = 2x - 1$ ուղիղին:

Երկրորդ ուղիղի անկյունային գործակիցը՝ $k_2 = 2$: Ուղղահայացության պայմանը տալիս է՝ $2k = -1$, որտեղից՝ $k = -\frac{1}{2}$:

§ 9. Տվյալ կետով անցնող և տվյալ ուղղություներն ունեցող ուղիղի հավասարումը: Իրցուք տված են $A(x_1, y_1)$ կետը և k անկյունային գործակիցը, որը որոշում է A կետով անցնող

ուղիղի ուղղությունը: Այդ ուղիղի հավասարումը մենք կորոնենք

$$y = kx + b \quad (12)$$

տեսքով, որտեղ b անհայտը պետք է որոշել այնպես, որպեսզի ուղիղն անցնի $A(x_1, y_1)$ կետով: Քանի որ A կետը գտնվում է աված ուղիղի վրա, ապա նրա կոորդինատները պետք է բավարարեն (12) հավասարմանը: Այդ հավասարման մեջ ընթացիկ կորդինատների տեղ դնելով x_1, y_1 , կստանանք՝

$$y_1 = kx_1 + b: \quad (13)$$

Այս (13) պայմանից պետք է b -ն որոշել և գտած արժեքը տեղադրել (12) հավասարման մեջ: Այլ խոսքով, պետք է b -ն արտաքսել (12) և (13) հավասարություններից, որ մենք կկատարենք, (12)-ից հանելով (13)-ը: Այդպիսով, կստանանք՝

$$y - y_1 = k(x - x_1), \quad (14)$$

որը և կլինի (x_1, y_1) կետով անցնող և k անկյունային գործակցով որոշվող ուղղությունն ունեցող ուղիղի հավասարումը:

Պարզ է, որ (14) տեսքով կարելի է գրել ամեն մի ուղիղի հավասարում, որը զուգահեռ չէ Oy առանցքին: Տված $A(x_1, y_1)$ կետով անցնող և Oy առանցքին զուգահեռ ուղիղի հավասարումը կունենա հետևյալ տեսքը (դժ. III, § 2)՝

$$x = x_1:$$

Դիտողություն: Հարթության մի որոշ կետով անցնող բոլոր ուղիղների համախումբը կոչվում է ուղիղների փունջ, իսկ նրանց ընդհանուր կետը՝ փնջի կենտրոն:

Եթե (14) հավասարման մեջ k -ի տակ հասկանանք այնպիսի մեծություն, որն ընդունում է ամեն հնարավոր արժեքներ, ապա այդ հավասարումը կորոշի $A(x_1, y_1)$ կետով անցնող բոլոր ուղիղները, այսինքն՝ $A(x_1, y_1)$ կենտրոնն ունեցող ուղիղների փունջը [(14) ձևով կարելի է գրել փնջի յուրաքանչյուր ուղիղի հավասարում, բացի մեկից՝ Oy առանցքին զուգահեռ ուղիղի հավասարումից]:

Օրինակ 1. Կազմել այն ուղիղի հավասարումը, որն անցնում է $(-3, 4)$ կետով և Ox առանցքի նկատմամբ թեքված է 135° անկյան տակ:

Հավասարումը կարելի է գրել (14) տեսքով: Այստեղ՝ $x_1 = -3$, $y_1 = 4$, $k = \operatorname{tg} 135^\circ = -1$: Հետևաբար, որոնելի հավասարումը կլինի՝

$$y - 4 = -1(x + 3),$$

կամ՝

$$x + y - 1 = 0:$$

Օրինակ 2. Կազմել այն ուղիղի հավասարումը, որն անցնում է $(1, 2)$ կետով և զուգահեռ է $2x - 3y + 1 = 0$ ուղիղին:

Տված ուղիղի անկյունային գործակիցը՝ $k_1 = \frac{2}{3}$: Որոնելի ուղիղը զուգահեռ է տված ուղիղին, հետևաբար, նրա անկյունային գործակիցը՝ $k_2 = k_1 = \frac{2}{3}$: Այսպիսով, (14) հավասարման մեջ պետք է դնել՝ $k = \frac{2}{3}$, $x_1 = 1$, $y_1 = 2$, որ կտա՝

$$y - 2 = \frac{2}{3}(x - 1),$$

որտեղից՝

$$3y - 6 = 2(x - 1), \text{ կամ } 3y - 6 = 2x - 2$$

և վերջնականապես՝

$$2x - 3y + 4 = 0:$$

Օրինակ 3. Կազմել այն ուղիղի հավասարումը, որն անցնում է $(-1, 1)$ կետով և ուղղահայաց է $3x - y + 2 = 0$ ուղիղին:

Որոնելի ուղիղի անկյունային գործակիցը նշանակենք k_1 , իսկ տված ուղիղինը՝ k_2 : Հավասարումից երևում է, որ $k_2 = 3$, իսկ ուղղահայացությունը՝ $k_1 k_2 = -1$ պայմանը մեզ կտա՝

$$3k_1 = -1, \text{ որտեղից } k_1 = -\frac{1}{3}:$$

Այսպիսով, որոնելի հավասարումը կլինի՝

$$y - 1 = -\frac{1}{3}(x + 1), \text{ կամ } 3y - 3 = -x - 1$$

և վերջնականապես՝

$$x + 3y - 2 = 0:$$

Օրինակ 4. Կազմել այն ուղիղի հավասարումը, որն անցնում է $(2, -1)$ կետով և $5x - 2y + 3 = 0$ ուղիղի հետ կազմում է 45° անկյուն:

Այն ուղիղի անկյունային գործակիցը, որի հավասարումը պետք է կազմենք, գտնենք § 7-ի (9) բանաձևով:

Քանի որ խնդրի պայմանում չի ասված, թե ո՞ր ուղիղից պետք է հաշվել անկյունը, ապա առաջադրված խնդիրը երկու լուծում ունի:

Առաջին լուծումն ստանալու համար (9) բանաձևում ընդունենք $k_1 = \frac{5}{2}$ (տված ուղիղի համար), $\theta = 45^\circ$, իսկ k_2 -ը կլինի որոնելի ուղիղի անկյունային գործակիցը: Այդ դեպքում կունենանք՝

$$1 = \frac{k_2 - \frac{5}{2}}{1 + \frac{5}{2}k_2}, \text{ որտեղից } k_2 = -\frac{7}{3}$$

և որոնելի հավասարումը կլինի՝

$$y+1 = -\frac{7}{3}(x-2),$$

որը պարզեցումներից հետո կդառնա՝

$$7x+3y-11=0:$$

Մյուս լուծումը կստանանք, եթե (9) բանաձևում ընդունենք $k_2 = \frac{5}{2}$,

$=45^\circ$ և գտնենք k_1 -ը: Այդ դեպքում կունենանք $k_1 = \frac{3}{7}$ և որոնելի հավասարումը կլինի՝

$$y+1 = \frac{3}{7}(x-2),$$

կամ՝

$$3x-7y-13=0:$$

Նկատենք հետևյալը. քանի որ գտած ուղիղներից յուրաքանչյուրը տրված ուղիղի հետ կազմում է 45° անկյուն, ուստի նրանք պետք է միմյանց ուղղահայաց լինեն: Իրոք, այդ ուղիղների անկյունային գործակիցները հավասար են $-\frac{7}{3}$ -ի և $\frac{3}{7}$ -ի:

§ 10. Երկու ուղիղների փոխադարձ դիրքը հարթության վրա:

Եթե երկու ուղիղներ գտնվում են մի հարթության վրա, ապա նրանց փոխադարձ դասավորությունները երեք տարբեր դեպքեր են հնարավոր՝ 1) ուղիղները հատվում են (այսինքն՝ ունեն մեկ ընդհանուր կետ), 2) ուղիղները զուգահեռ են և չեն համընկնում, 3) ուղիղները համընկնում են:

Պարզենք, ինչպե՞ս իմանալ, թե այդ երեք դեպքերից ո՞րը տեղի ունի, եթե ուղիղները տված են իրենց հավասարումներով ընդհանուր տեսքով՝

$$\left. \begin{aligned} A_1x + B_1y + C_1 &= 0, \\ A_2x + B_2y + C_2 &= 0: \end{aligned} \right\} \quad (15)$$

Եթե ուղիղները հատվում են, այսինքն՝ ընդհանուր կետ ունեն, ապա այդ կետի կոորդինատները պետք է բավարարեն (15)-ի երկու հավասարումներին էլ: Հետևաբար, ուղիղների հատման կետի կոորդինատները գտնելու համար, պետք է նրանց հավասարումները համատեղ լուծել: Այդ նպատակով, նախ արտաքսենք x անհայտը, որի համար առաջին հավասարումը բազմապատկենք A_2 -ով, իսկ երկրորդը՝ A_1 -ով և երկրորդ հավասարումից հանենք առաջինը: Կստանանք՝

$$(A_1B_2 - A_2B_1)y + C_2A_1 - C_1A_2 = 0: \quad (15')$$

(15) հավասարումներից y անհայտն արտաքսելու համար առաջին հավասարումը բազմապատկենք B_2 -ով, իսկ երկրորդը՝ B_1 -ով և առաջինից հանենք երկրորդ հավասարումը: Կստանանք՝

$$(A_1B_2 - A_2B_1)x + C_1B_2 - C_2B_1 = 0: \quad (15'')$$

Եթե $A_1B_2 - A_2B_1 \neq 0$, ապա (15') և (15'') հավասարումներից կըստանանք (15) սիստեմի լուծումը՝

$$x = \frac{B_1C_2 - B_2C_1}{A_1B_2 - A_2B_1}, \quad y = \frac{C_1A_2 - C_2A_1}{A_1B_2 - A_2B_1}: \quad (16)$$

(16) բանաձևերը տալիս են երկու ուղիղների հատման կետի x և y կոորդինատները:

Այսպիսով, եթե $A_1B_2 - A_2B_1 \neq 0$, ապա ուղիղները հատվում են:

Եթե $A_1B_2 - A_2B_1 = 0$, ապա (16) բանաձևերն իմաստ չունեն: Ինչպե՞ս են այդ դեպքում դասավորված ուղիղները: Հեշտ է անսուսնել, որ այդ դեպքում ուղիղները զուգահեռ են: Իրոք $A_1B_2 - A_2B_1 = 0$ պայմանից բխում է, որ $-\frac{A_1}{B_1} = -\frac{A_2}{B_2}$, այսինքն՝

$k_1 = k_2$: Իսկ եթե $B_1 = B_2 = 0$, ապա ուղիղները զուգահեռ են Oy առանցքին և, հետևաբար, նաև միմյանց:

Այսպես, ուրեմն, եթե $A_1B_2 - A_2B_1 = 0$, ապա ուղիղները զուգահեռ են: Այդ պայմանը կարելի է գրել նաև այսպես՝

$$\frac{A_1}{A_2} = \frac{B_1}{B_2}:$$

Այս դեպքում կարելի է ասել, որ եթե ուղիղների հավասարումների մեջ ընթացիկ կոորդինատների համապատասխան գործակիցները համեմատական են, ապա ուղիղները զուգահեռ են:

Զուգահեռ ուղիղները, մասնավորապես, կարող են և համընկնել: Պարզենք, թե ո՞րն է ուղիղների համընկնելու անալիտիկ պայմանը: Դրա համար դիտարկենք (15') և (15'') հավասարումները: Եթե այդ հավասարումների ազատ անդամները երկուսն էլ հավասար լինեն զրոյի, այսինքն՝ $C_2A_1 - C_1A_2 = 0$ և $C_1B_2 - C_2B_1 = 0$, ապա՝

$$\frac{A_1}{A_2} = \frac{B_1}{B_2} = \frac{C_1}{C_2},$$

այսինքն՝ (15) հավասարումներում համապատասխան անհայտների գործակիցները և ազատ անդամները համեմատական են: Այդպի-

սի դեպքում սիստեմի հավասարումներից մեկն ստացվում է մյուսից՝ նրա բոլոր անդամները բազմապատկելով մի ընդհանուր բազմապատկիչով, այսինքն՝ (15) հավասարումները համարժեք են: Հետևաբար, տված զուգահեռ ուղիղները համընկնում են:

Իսկ եթե (15') և (15'') հավասարումների ազատ անդամներից թեկուզ մեկը հավասար չլինի զրոյի (կամ՝ $C_2A_1 - C_1A_2 \neq 0$, կամ՝ $C_1B_2 - C_2B_1 \neq 0$), այսինքն՝

$$\frac{A_1}{A_2} = \frac{B_1}{B_2} \neq \frac{C_1}{C_2},$$

ապա (15') և (15'') հավասարումները, նշանակում է՝ նաև (15) հավասարումները, լուծումներ չեն ունենա [(15') կամ (15'') հավասարումներից առնվազն մեկն անհնար կլինի]: Այդ դեպքում զուգահեռ ուղիղները չեն համընկնի:

Այսպես, ուրեմն, երկու ուղիղների համընկնելու անհրաժեշտ և բավարար պայմանը՝ նրանց հավասարումներում համապատասխան գործակիցների համեմատականությունն է՝

$$\frac{A_1}{A_2} = \frac{B_1}{B_2} = \frac{C_1}{C_2}.$$

Օրինակ 1. Գտնել հետևյալ ուղիղների հատման կետը՝

$$2x - 3y - 1 = 0 \text{ և } 3x - y - 2 = 0:$$

Հավասարումները համատեղ լուծենք. երկրորդը բազմապատկենք 3-ով՝

$$2x - 3y - 1 = 0, \quad 9x - 3y - 6 = 0,$$

երկրորդից հանենք առաջինը, կստանանք՝

$$7x - 5 = 0, \text{ որտեղից՝ } x = \frac{5}{7}:$$

Այնուհետև, առաջին հավասարումը բազմապատկելով 3-ով, երկրորդը՝ 2-ով և երկրորդից հանելով առաջինը, կստանանք՝

$$7y - 1 = 0, \text{ որտեղից՝ } y = \frac{1}{7}:$$

Այսպիսով, երկու տված ուղիղների հատման կետի կոորդինատները կլինեն՝

$$x = \frac{5}{7}, \quad y = \frac{1}{7}:$$

Օրինակ 2. Հետևյալ ուղիղները՝

$$2x - y + 2 = 0 \text{ և } 4x - 2y - 1 = 0$$

զուգահեռ են (ընդհանուր կետ չունեն), որովհետև՝

$$\frac{2}{4} = \frac{-1}{-2} \neq \frac{2}{-1}:$$

Հետևյալ երկու ուղիղները՝

$$3x + y - 2 = 0 \text{ և } 6x + 2y - 4 = 0$$

համընկնում են, որովհետև՝

$$\frac{3}{6} = \frac{1}{2} = \frac{-2}{-4},$$

§ 11. **Ուղիղների փնջի հավասարումը:** § 9-ում (դիտողությունը) դիտարկեցինք այն ուղիղների փնջի հավասարումը, որի կենտրոնը տված $A(x_1, y_1)$ կետն է: Երբեմն ուղիղների փնջի կենտրոնն անմիջականորեն չի տրվում, այլ որոշվում է փնջին պատկանող երկու ուղիղներով: Այդպիսի դեպքում փնջի կենտրոնի կոորդինատները կարելի է գտնել տված ուղիղների հավասարումները համատեղ լուծելով: Սակայն փնջի կենտրոնի կոորդինատները հաշվելուց կարելի է խուսափել, եթե օգտվենք ուղիղների փնջի հավասարման մի այլ ձևից:

Գրեցուք՝

$$A_1x + B_1y + C_1 = 0 \text{ և } A_2x + B_2y + C_2 = 0$$

ուղիղները հասվում են (x_1, y_1) կետում: Կազմենք հետևյալ հավասարումը՝

$$A_1x + B_1y + C_1 + \lambda(A_2x + B_2y + C_2) = 0, \quad (17)$$

որտեղ λ -ն կամայական պարամետր է:

λ -ի ամեն մի արժեքի դեպքում (17) հավասարումն ուղիղ գիծ է որոշում, քանի որ այն առաջին աստիճանի է x և y փոփոխականների նկատմամբ: Հեշտ է ցույց տալ, որ այդ ուղիղն անցնում է (x_1, y_1) կետով: Իրոք, քանի որ (x_1, y_1) կետը պատկանում է տված ուղիղներից յուրաքանչյուրին, ապա՝

$$A_1x_1 + B_1y_1 + C_1 = 0 \text{ և } A_2x_1 + B_2y_1 + C_2 = 0,$$

որտեղից նաև՝

$$A_1x_1 + B_1y_1 + C_1 + \lambda(A_2x_1 + B_2y_1 + C_2) = 0:$$

Հետևաբար, տված երկու ուղիղների համման կետի կոորդինատները բավարարում են (17) հավասարմանը:

Այսպիսով, (17) հավասարումը λ -ի տարբեր արժեքների դեպքում որոշում է տարբեր ուղիղներ, որոնք պատկանում են (x_1, y_1) կենտրոնն ունեցող փնջին:

Մնում է պարզել, թե արդյոք կարելի է (17) հավասարումից λ -ի հարմար ընտրությամբ ստանալ փնջի ցանկացած ուղիղի հավասարումը:

Դիցուք (α, β) -ն հարթության վրա կամայական կետ է՝ (x_1, y_1) -ից տարբեր: (17) հավասարումով որոշվող ուղիղը այդ կետով կանցնի, եթե նրա կոորդինատները բավարարեն (17) հավասարմանը, այսինքն՝ եթե

$$A_1\alpha + B_1\beta + C_1 + \lambda(A_2\alpha + B_2\beta + C_2) = 0:$$

Այստեղից հետևում է, որ երբ

$$\lambda = -\frac{A_1\alpha + B_1\beta + C_1}{A_2\alpha + B_2\beta + C_2},$$

ապա (17) հավասարումը կպատկերի փնջի այն ուղիղը, որն անցնում է հարթության կամայական ընտրած (α, β) կետով:

λ պարամետրը չի կարելի հարմար կերպով ընտրել միայն այն դեպքում, երբ (α, β) կետը գտնվի $A_2x + B_2y + C_2 = 0$ ուղիղի վրա (այդպիսի դեպքում λ -ն որոշող բանաձևն իմաստը կորցնում է): Հետևաբար, (17) հավասարումը λ -ի տարբեր աբսցիսների դեպքում կորոշի փնջի բոլոր ուղիղները, բացի մեկից (տված ուղիղներից՝ երկրորդը): Իսկ այս վերջին հավասարումն էլ, ակներևորեն, կստացվի հետևյալ հավասարումից՝

$$\mu(A_1x + B_1y + C_1) + A_2x + B_2y + C_2 = 0,$$

$\mu = 0$ դեպքում:

(17) տեսքի հավասարումն անվանում են ուղիղների փնջի հավասարում:

Օրինակ: Կազմել այն ուղիղի հավասարումը, որն անցնում է

$$2x - 3y - 1 = 0 \text{ և } 3x - y - 2 = 0$$

ուղիղների հատման կետով և ուղղահայաց է $y = x$ ուղիղին:

Առաջին եղանակ: $2x - 3y - 1 = 0$ և $3x - y - 2 = 0$ հավասարումները համատեղ լուծելով, գտնում ենք ուղիղների հատման կետի կոորդինատները (տե՛ս § 10, օրինակ 1)՝

$$x = \frac{5}{7}, \quad y = \frac{1}{7}:$$

Ուղիղների ուղղահայացություն պայմանից կգտնենք որոնելի ուղիղի անկյունային գործակիցը՝ $k = -1$: Հետևաբար, որոնելի հավասարումը կլինի՝

$$y - \frac{1}{7} = -1 \left(x - \frac{5}{7} \right),$$

որն աստիճանաբար պարզեցնելով, կստանանք՝

$$y - \frac{1}{7} = -x + \frac{5}{7}, \text{ կամ՝ } 7y - 1 = -7x + 5,$$